

陳藻撰

止室(任先)先生年譜。詩存

文藻出版社

有限公司
印行

陳錄撰

止室(任先)先生年譜·詩存

文海出版社

有限公司

印行

陳錄撰

止室（任先）先生年譜・詩存

中華民國八十四年四月出版

〈止室（任先）先生年譜·詩存〉

精裝：一冊
定價：新台幣二〇〇元

主編者：陳 籙

發行人：李 振 華

台北縣永和中興街133巷8號

出版者：文海出版社有限公司

郵政劃撥戶第〇〇〇二七八四—三號

電話：九二一 二六五九號

印刷者：高威印刷企業有限公司

台北市西園路二段320巷55弄28號

經銷者：臺灣全省各大書局

行政院新聞局出版事業登記證局版台業字第〇四四九號



陳籙先生遺照·一九二九年攝於日內瓦



一九二七年陳氏家族攝於法國 Cabourg 鄉間

第一排：陳籙先生(左一)；五女培瓊(左二)；三女潤瓊(左三)；四女照瓊(右二)

第二排：二女寶瓊(左一)；夫人甘珪輝(左二)；大女媛瓊(右一)

第三排：子友濤(左一)；大婿汪延熙(左二)；二婿林君立(右一)

以患難時心存高樂以貧賤時心存富貴以屈拘時心存廣大則無往而不
 谷視康莊以疾視強使以不測視無事則無往而不名德不到極運之境不知
 和順之樂不遇至利之人不知忠厚之善不經難處之事不知平易之歡爭利
 起於人各有歆爭之起於人各有見惟君子以澹泊自處以智慧讓人心中有無
 活法天機故曰心安命在德性定業根香世事靜方見人情澹始長

陳籙先生遺墨

生平事略

陳籙，字任先，晚號止室。生于清光緒三年（一八七七）。曾出浙江東陽。元至治間，避亂閩中，遂著籍福州閩縣。曾祖宸書，官湖南慈利縣，清操遠聞。祖溶，福州府學生員。父梧慶，急公好義，譽溢鄉里。著《茗香山館吟草全集》，手抄五卷；《時事彙錄》，手抄四卷。以籙爲弟澣慶後。

籙年十五，以國勢陵夷，非墨守舊聞所能匡救，遂入馬江船政學堂習法國語文。十八負笈武昌，肆業自強學堂，爲湖廣總督張之洞所識拔。既卒業，奉派留學法國巴黎法律大學。光緒三十一年（一九〇五），清廷派載澤等五大臣赴歐考察憲政，調充隨員，遂遍歷英、意、瑞、德、奧、比諸境，盡悉其政教異同、得失之故，編譯成書。既，調升海牙萬國保和會參贊兼駐荷蘭使署三等參贊。光緒三十三年（一九〇七），由巴黎畢業返國，外務部、法部、修訂法律館爭相延致。同年，學部舉行留學生考試，籙試列最優等第二，賜法政科進士。宣統二年（一九一〇），保和殿召試，列一等，授翰林院編修，外務部奏補郎中，充庶務司主稿，尋升考工司掌印郎中。民國肇造，改外交部政務司司長。民國二年（一九一三）冬，拜首任駐墨西哥全權公使。待行，因恰克圖中俄蒙會議在即，三年（一九一四）元月，又奉令充會議外蒙事件全權專使。再因會議改期，值澳門界務轉轍，由外交部密委前往澳門調查水陸界務，八月初事竣返京。九月，中俄蒙恰克圖會議，歷時九閱月有奇，陳籙折衝於樽俎之間，力衛國權。議成返京，特任爲都護使充駐紮庫倫辦事大員，加陸軍中將銜，後兼拜外蒙活佛冊封使。九月赴任。在任嚴拒沙俄之種種干預，爲中蒙和洽相安竭盡心力。以多病乞休，累請乃得遂。

六年（一九一七）五月，離任返京。七年（一九一八），歐戰東及，中國參戰，陳籙以外事處處長任外交部次長代理部務，謀畫尤弘。九年（一九二〇），任駐法全權公使。十二年（一九二三）兼任出席國際聯盟會（LEAGUE OF NATIONS）中國代表。十六年（一九二七）充國際行政院主席。

十八年（一九二九）歸祖國，暫居北平。時國事日亟。二十四年（一九三五）再起赴南京，任國民政府外交部顧問，旋改聘為條約委員會副會長。

二十六年（一九三七）中日戰爭爆發，國民政府自寧遷渝。陳籙遂提早退休，隱居上海。

不久，上海周圍被日軍占領，成為「孤島」。二十七年（一九三八）陳籙受日人威脅和梁鴻志、羅儀元等的壓力，失去行動自由，竟被偽「維新政府」宣佈為「外交部長」。

二十八年（一九三九）二月十九日被刺於上海。

陳籙學貫中西，畢生致力外交，聲華懋甚。簿領之暇，勤事鉛槧，雖抱疾亦不稍輟。所著有《恰克圖議約日記》、《駐紮庫倫日記》（合編成《蒙事隨筆》，上海商務印書館一九三四年版）、漢譯《蒙古逸文》（台北廣文書局影印，一九七六年版）、《法文文牘程式》等。其中《蒙事隨筆》上極夫蒙古宗教興肇之源流，歷朝邊政之得失；中括夫沙俄之野心、外交局促之內容，官府委瑣之真相；下則道里流傳、政制文字、產業金融、風尚禮儀，靡不博采旁搜，參以己見。《蒙古逸史》譯自《保權》一書，內多止室按語，考訂同異，闡要釋微。二書均有極高史料價值。籙之女子潤瓊、培瓊經多年蒐集考訂，成《止室（任先）先生年譜·詩存》，亦富有文史參考價值。

止室（任先）先生年譜・詩存

目次

圖像與遺墨	一
生平事略	七
止室先生年譜	一七
止室詩存	十三
跋	一六九

止室先生年譜

左彙逸民編

先生諱錄字任先號止室姓陳氏陳為閩中望族史冊

所垂賢哲輩出六世祖河南遂寧藩王傅諱元祐明嘉靖舉

人事載福州府十世祖琉球冊封使諱燕翼崇禎甲論餉籌兵

志侯官人物傳疏議皆具明史紀事本末中曾祖湖南慈利縣知縣諱宸書

字楓階乾隆壬子舉人作宰二十四年歸里之日莫名一錢惟載書萬卷以遺

子孫著有桃花扇後序詳註李氏蒙求詳註筠碧山房詩集

陳太傅題載書歸里圖云觀同時諸賢題詠謂林文忠公及梁退庵中丞可

以想見其生平第三子心泉先生粹然儒者官臺諫有聲為

倭文端曾文正二公所契重出守歷監司未究所施寶琛及以後

進禮修謁、親炙其言論云、心泉先生、道光丁未翰林著有論語話解、
易理蒙訓、易說摘存、易義纂釋、養性齋經訓、性理闡說、
諫垣存稿、求在我齋文集詩集諸書、崇祀閩縣鄉賢祠、先
生之叔祖也。

前清光緒三年丁丑

先生三月二十二日生

光緒八年壬午

先生年六歲失恃、

母李太夫人、性賢淑、通書史、
長樂李兼三太守之女弟。

光緒十三年丁亥

先生年十一、出就外傅、甘戟甫先生以先生穎達異常、因相

攸馬

光緒十七年辛卯

先生年十五考入福州馬江船政前學堂，學習法文。

光緒二十年甲午

先生年十八負笈遠遊，考入武昌自強方言學堂。

光緒二十五年己亥

先生年二十三自強學堂畢業，遂充法文教習。

光緒二十七年辛丑

湖北創設譯書局，張文襄派陳鈺為專辦。

陳鈺字星五，別署閩澥鈞徒，先生之

遠姪也，湖北候補知府，時年未三十。

先生時為譯員，後奉派留學法國，入巴黎法律

大學。孟受知於瑞午
橋梁星海二公。

光緒二十九年癸卯

先生年二十七。在法國。五大臣往歐洲各國考察憲政。調充隨員。游歷英德奧俄義瑞比諸國。編譯義大利憲法。十國憲法。比較各書。

光緒三十二年丙午

先生年三十。巴黎大學畢業。得法律學士。遂充海牙萬國保和會參贊。兼駐荷蘭使署三等參贊。

光緒三十三年丁未

先生冬回國。外務部調充儲材館學員。兼法部制勘司行走。

光緒三十四年戊申

先生年三十二、兼修訂法律館纂修、憲政編查館編纂、北京
大學法文民政教授等職、秋應學部留學生考試、取列第二、
賞法政科進士、冬因父病、告假回閩、到家甫十日、父桐卿先生卒、
壽六十四、著有茗香館吟草六卷、

宣統二年庚戌

四月授翰林院編修、八月外務部奏補郎中、充庶務司主稿、
旋陞考工司掌印、

民國元年壬子

先生年三十六、改外交部政務司司長、

民國二年癸丑

冬任命為駐墨哥全權公使。

民國三年甲寅

春奉令充恰克圖中俄蒙會議全權專使。秋在恰克圖三方會議。閱九月和議成。項城嘉其賢勞。

民國四年乙卯

六月特任為庫倫都護使。加陸軍中將銜。

民國五年丙辰

先生年四十。兼拜外蒙冊封使之命。

民國六年丁巳

因病辭職入閣、國務院聘充戰時國際事務委員會委員。

民國七年戊午

二月聘充和議籌備處專員、三月派充督辦參戰事務處外事處處長、四月任命為外交部次長、特派兼外交官領事官資格審查委員會委員長、十二月兼代部長。

民國九年庚申

九月任命為駐法蘭西全權公使。

民國十二年癸亥

駐法公使兼國際聯合會大會代表。

民國十五年丙寅

先生年五十，駐法公使兼國聯行政院代表。

民國十七年戊辰

駐法公使兼國聯行政院主席，七月卸任，十月回國。

民國十八年己巳

先生春在北京，冬往南洋募捐，華洋義賑會所委託。

民國十九年庚午

先生在北京，每往北戴河結夏，大約亦九十日解夏。

民國二十三年甲戌

先生移居上海，十月外交部聘充顧問。

民國二十五年丙子

六月外交部改聘為條約委員會副委員長

民國二十七年戊寅

春間維新政府成立，先生出膺外交總長，秋聯合委員會在北京成立，復兼事務部部長，奔走南北，勞瘁弗辭，安危不計，蓋早以身許國也。

民國二十八年己卯

先生年六十三，二月十八日回滬寓，即陰歷十二月三十日二十九日七時許

在家見客，突有暴徒十餘人，排闥而入，以槍射擊，連中要害，遂殞命，可悲也已。

先生數歷中外，凡三十餘年，恪守家訓，廉潔自矢，持躬謹嚴，待人寬容，重信義，好施與，生平交遊，徧海內外，當代名公鉅卿，文人學士，幾無一不有文字之交，所

著有蒙事隨筆、漢譯蒙古逸史、漢譯英法尺牘、法
文文牘程式、法譯閱微草堂各書，均已行世。皆由商務印
書館出版。
余與先生有十年之雅，用敢摺摭舊聞而編次之。此亦
知人論世之一助也。萬斯大述黃氏世譜冠諸梨洲遺書，
良有以也。

時事全非感慨多
草茅置散但詩歌
牢騷大有行吟意
俗眼何曾識女蘿

掃却浮華骨格清
西崑遺響藐秦箏
長卿莫詡高風峻
留得偏師搗赤城

連篇天籟自粗豪
挾得英風上綵毫
仿鬚大江東去唱
銅琶不譜鬱輪袍

閩解釣徒漫作

--	--	--	--	--	--	--	--	--	--	--

天三三三三

止室詩存

陳籛

卧虎

吞噬心灰愛逸居
南山鼯睡夢華胥
道旁狐兔縱橫甚
開眼煩君為掃除

搏擊歸來好索居
深林一枕黑甜餘
夢中猶憶龍潭鬥
颯颯腥風逼太虛

漢江泛月

明月多情者相從
任所之隨波勤鼓枻
莫誤急流時

瞎馬

長途落拓嘆庸才滿目塵埃久倦開最苦雨餘泥滑
滑暗中摸索一鞭來

梅妻

月畫蛾眉雪壓肩玲瓏玉骨有餘妍粧臺笑語應低
問修到今生第幾年

海棠不聘聘逋仙高士丰標恰比肩芳譜聯襟有靖
節也携菊婢隱籬邊

花朝

花鈴樓鐸戛丁東十二闌干簇紫紅恰有嫦娥愛春
色芳園光借廣寒宮

負米他鄉愧此身貧原非病病因貧杞杞摘盡荔支
熟鄉味年年屬別人

贈梅

前身應是玉為胎獨立風塵絕點埃勞我關心頻寄
語十分莫為俗人開

贈桂

無聲冷露浥瓊漿簇簇仙葩抱晚芳莫向蟾宮親手
折人間恐不識天香

蓮燈

誰家巧製剪紅綃彷彿芙蓉出水嬌果是六郎好顏

色夜深南內燭高燒

菊枕

採來籬角趁黃昏
細膩編成伴夢魂
一卧遊仙弄秋色
霜華滿圃月當門

劍俠

老夫頭角本嶒嶸
拚酒掀髯氣自矜
欲問生平肝膽托
匣中秋水凜如水

鬚眉如戟髮鬚髻
長嘯歸來寶氣騰
熱血滿腔腥滿手
江湖踪跡本無憑

佛手柑

蓮花座畔色如金
合掌拈花證素心
藉汝指迷登彼岸
人間妙果已成陰

簾鈞

波影玲瓏捲水晶
一彎斜挂逗春情
落花庭院東風軟
燕子歸來趁晚晴

新秋書懷

窸窣西風蘆荻花
乍涼天氣襲牕紗
寒生池館添新禱
月暗城樓罷暮笳
落葉閒階吟蟋蟀
枯荷淺渚浴蝦蟆
入秋別有關心事
盼斷瀟湘雁影賒

自題小照

不勞妙筆細商量小影摹來鏡一方莫笑黃花如我瘦生來骨也傲風霜

梁紅玉擊鼓

繡旗錦幟列如雲玉腕三搥動地聞南渡中興成旦夕金山碑合勒釵屨

一聲作氣掃戎氛兒女英雄義薄雲博得健兒拍手道韓家娘子也能軍

半閒堂鬥蟀

平章風月本無愁夢到西湖燈火樓今日木棉庵外路空教蛩語咽殘秋

半壁荆襄血戰秋當年天子豈無愁誰知宰相風流
慣促織聲中當展籌

漁家樂

短歌信口唱無腔紅樹斜陽影半江傳語兒童沽美
酒竿頭釣得鯉雙雙

鷗鷺忘機共結儔生涯從此傲封侯關心雨笠風蓑
外一笑移舟過酒樓

秋夜有懷

詩草刪還續離愁拂復來池因濯足到牕為曠書開
黃蝶埋枯草酸風剪綠苔夜來更清絕孤月自徘徊

萬瓦霜華重關河舉目非流雲沉客思冷月落征鞭
家遠書難到天空鳥不飛有人秋似水誰為寄寒衣
秋信客邊深蕭然卧短琴疾風翻蝙蝠古木下霜禽
開卷忘寒相聞笳激壯心故人多不賤交誼重南金
孤客不如燕秋深情更依有誰勸強飯無奈自加衣
風雨一燈小關河隻雁飛思家偏睡早好遣夢魂歸

漂母

嗟來一飯慰途窮豈料王孫報德隆不過偶然哀國
士女流未必識英雄

題白社九老圖

吟侶相携盡白頭
婆婆老子不知秋
春風杖履都無恙
龍馬精神一幅收

如活鬚眉畫裏收
羣仙逸像想風流
千秋佳話留長慶
野鶴閒雲自結儔

春燈謎

創成恍怱迷離句
盡為籠紗掛晚風
紅燭半枝香一束
勾人又手學癡聾

縲絲

滿盆黃絹貯新絲
正是紅閨課織時
一片桑陰抽女手
十分繭緒惱蛾眉
盈筐待組迴文錦
萬縷纏成絕

妙辭回首生涯同壓線寒牕如水月遲遲

七夕

相思不可說鳴蛩替鳴咽觸我拔鞘心枯我思家血
怪底月團圓忍照人離別寄聲烏鵲枉多情銀漢晨
星看明滅

良夜靜迢迢新月和雲托瓜果散庭除爐香裊簾幕
隣家女伴不知愁搖曳羅衫薄復薄拈針爭上曝衣
樓空庭閒熬秋千索喁喁細語人不聞似為天孫咒
烏鵲

皎皎銀河淡不煙勾人心緒奈何天儂家生怕多情

累紅豆拈來結夙緣

答六弟

一月當空水不波
黃花桂子影婆娑
渾涵氣象參禪
易淡蕩秋先得句
多泥落空梁
歸旅燕雨添池水
殘荷此心早不封
侯熱有約湖西伴釣簑

贈淮弟

何事各東西
行踪寄雪泥
雁行傷異地
衰柳唱長堤
慷慨期燒尾
荒嬉愧噬臍
關心誰最切
夜半有村雞
記否當年事
攻書共短檠
如何十載別
隔住萬重情
携手知何日
回頭悔遠行
陽關杯酒地
裘葛幾經更

中秋夜雨

最是團圓夜，嫦娥不可尋。
天公似有意，強慰別離心。

貧女嘆

眉鎖雙蛾鬢掠鴉，無媒誰識滯年華。
隣家夫壻誇新貴，帖捧泥金誥五花。

古意

月照畫堂北，下階心惻惻。
生憎海棠花，共儂爭顏色。
儂吹弄玉簫，郎自隔牆聽。
殘月更多情，照儂釵頭勝。

秋夜不寐

析縈更長殘，月半墻疎竹。
滴露荷房弄香。

衰柳

離愁綰盡弱難支不復矜娉舞水湄回首六橋煙月
夢傷心無奈自扶持

命薄隨風強自支托根莫怨傍江湄他年種入靈和
殿不藉旁人為護持

雙文傳題後

蒲東一別杳知聞鸚鵡歸來自已曛男子心腸今看
透紅娘應悔太殷勤

重陽

黃花滿鬢笑醞醑不敢題糕妙句無有客索詩來不

速登門疑是吏催租

遊僧寺題壁

胡盧一笑入門來
玉磬聲沈萬象灰
祇覺暗香無覓處
老僧為道木樨開

有贈

可憐蒲柳風塵質
也有栽花憂玉詞
不料文章憎命處
居然巾幗甚鬚眉

自嘆

生男不得力
何以耀門庭
懷刺字都滅
哺醮心獨醒
不才驚長大
廢業愧髫齡
無計消煩惱
哦詩筆不停

自嘲

閉戶時搖筆被人派作癡空囊艱買酒破壁亂糊詩
才與世多忤心惟隱最宜茅廬可抱膝何日卜過期
寄山人

不問橋頭卜關門抱膝宜山深人到少市遠酒沽遲
時攝謝公屐閒吟陶令詩囂塵飛不到雞犬亦怡怡
除夕

觸起離懷酒半醒風塵馬磨幾時停年年負却先鞭
志此夜鷄聲忍再聽

一燈如豆對青毡那管春光到客邊却被鄰家兒女

笑有人兀坐不知年

聞家君之江右

舊地重來總繫思
星星華髮伴犇馳
傷心六歲垂髫
弟兩度門前送別離

春齋對雨書懷

春愁滴不破
何苦苦纏綿
無意憐幽草
多情滯午煙
寒侵沽酒屐
香壓聳寒肩
解得催詩意
開牕寫短牋
抽刀斷不得
詩思太纏綿
吟興爭春雨
離愁生暮煙
壯心驚馬齒
瘦骨搨鳶肩
為惜流光黯
殷勤又擘箋

無題

匣中紅豆枉經秋，燭成灰淚未收。
掩袂不言緣底事，回頭一笑更添羞。
吟成豈菴題，裊帶描得桃花寫。
扇頭寄語月明人，靜夜畫廊無復看牽牛。

春遊

春遊不覺倦，人約水中亭。
草入裊腰瘦，山浮笠影青。
微風鼓麥浪，細雨洗新萍。
聞道黃鸝好，移舟柳外聽。

和王石孫韻即贈

天教龍馬作精神，錦繡心腸白玉身。
百首詩成驚滿座，一枝筆健掃千人。
文章海內原無價，詩酒生涯便算春。
年少青衫休灑淚，秋高鷹隼出風塵。

答友人勸

不管寵紗與覆瓿功名富貴亦飄萍自家探得詩中趣豈博他年列御屏

枕上思親

兩地同為客相望萬里天烏啼嘴爪血雁盼海天煙眠食應猶昔精神定勝前遙知思子夢夜夜繞晴川

和慕五菊儕韻

駒光不再獨潛然篝火寒毡又一年昔日也嘗蓮子苦而今不作海棠顛橫魯金印原無補低首毛錐絕可憐都是槐安一場夢何須窮達問蒼天

春日迷懷

閒庭寂寂客來稀
野草繇芊掩紫薇
春筍驚雷連日
長好花着雨一宵飛
苦吟每擊床頭鉢
沽酒大搜篋
底衣祇有春江風味好
桃花水滿鱖魚肥

十年無計脫青毡
一擔乾坤鼎力肩
此日揶揄真有
鬼他年福命總由天
肯教僥倖伍餘子
得拓胸懷算
散仙風雨一廬燈
一盞閉門擬看祖生鞭

契飯從來第一難
江湖無地不波瀾
人情柳絮由來
薄詩思梅花一例寒
未秃毛錐猶待價
無魚長鈇漢
空彈五年僕僕緣
何事博得平安強自寬

勢面酸風快似鎌風塵况味等齏鹽鄉心偶為開樽
減旅病多因索句添忍把先陰老湖海敢將心事托
朱炎行藏司命自為主不向君平賣卜占

姊氏隨宦之蜀取道夏口得把袂焉作此贈別
相見不盈日相思此後長釵鬟猶似昔兒女已成行
見月應思弟聽猿莫斷腸漢江携手地盡日水湯湯

和蓬萊李葦洲送春句

無賴南風抵死催離筵今又為君開春光客裏原如
水不管明年來不來

離亭羌笛苦相催滿地殘花大麥開祇有荼蘼是情

種紛紛都送出牆來

唐白居易作一字至七字詩以題為韻久矣不

正當強傳余時誦長慶因集仿作二首聊自遣非敢

空有疲學步唐人後塵也慷慨化義十年話記巴山雨千

古音沉賦詩笙一事最傷行路感病兒萬里送靈旌

詩送別傷離拚酒夜賞花時高聳山肩細感柳眉月

落吟心苦宵寒得句遲庭筠八义韻就子建七步才

奇慷慨悲歌橫槊賦纏綿錦字迴文詞

賦愁

愁心上眉頭挑燈夜聞笛秋關山風雪旅館更籌落

花飄金谷冷月一玉鈎巴峽猿聲不住瀟湘雁影都

子規營魄幻奇葩博得芳名衆口誇
花若有情應解語殷勤勸客早隸家

霽如歿剛半月其冢嗣厚臣又病瘵客死作此
哀之

大故遭何慘天教速死期參苓成賤品盧扁亦庸醫
哭父淚猶溼呼娘聲更悲九京休太息天道本難知
四月四日聞和甫二哥訃

傳來噩耗是耶非不信人生似夕暉總以飢寒戕性命
能無涕淚為噓歔一生心血消毛穎廿載窮愁老
布衣仰屋妻孥鮫背母夜臺回首合依依

懷人

紅牆一角苦相欺
咫尺蓬山不可期
無可奈何春去矣
誰能遣此月圓時
門前恍怱桃花面
鏡底淒涼柳葉眉
他日相逢休賺我
箇中心事自家知

端午書感

離家今已五端陽
潦倒湖湘一酒囊
只有離騷拋不得
非時口亦誦瑯琊

南國衣冠縹渺存
胡謔夜動玉關門
楚江我亦行吟客
角黍何堪吊屈原

寄王織秋

往事都陳迹風流不可尋才疎酬世嬾身賤受恩深
金挫英雄志詩磨名士心白雲緣底事盡日自浮沈
示諸弟

放得離懷且自寬酒瓢詩鉢強為歡十年志未酬磨
硯幾度書來總勸餐客久方知鄉味貴途窮才覺結
交難閉門長日無多事靜對蕭蕭竹數竿

夜登黃鶴樓口號

半壁江山幾廢興危磯無恙感頻登一聲長笛南樓
月萬點寒先夏口燈黃鶴不誅忘歲月仙人有夢正

曹騰

樓有呂純陽睡像

當年名士今何在我復題詩最上層

五月三十夜苦熱不寐黎明起感此

晨星寥落隱西東出海紅霞捧日輟一杵清鐘熱夢
醒披襟勝納晚來風

六月朔夜紀夢

誰遣霜娥下玉扉分明情事轉依稀神仙為煮胡麻
飯一枕無痕香在衣

六月二十日立秋

西風來昨夜秋信報令朝階靜蛩能語林空山似燒
嘔乾長吉血瘦損沈郎腰極目家何在南臺萬壽橋
北雁南邊盡征人尚獨游有心偏作惡無地不生愁

傀儡消杯底功名老筆頭欲知身世是湖海一浮漚

戲詠紅梅寄感

多因不耐孤山冷誤飲松醪下玉墀一斛珠封妃子
淚六銖衣漾謫仙姿豈無顏色誇金谷別有丰標傲
短籬為恐銷磨霜雪裡故將濃抹學趨時

懷珊兒

滿地燕支春已闌雙啣紅淚上征鞍低徊別路知無
計賞識窮途此大難弱水不波書一一巫山有夢路
漫漫寄聲畫閣停針夜莫向秋風更倚欄

分明鏡底舞孤鸞從此蓬山到恐鷄冷榻夢魂呼好

此四律原稿相
頭寫「自刪」二字

好迴廊響屐憶珊珊風高旅館秋多厲月落秦樓夜
更寒多謝徐娘珍重意玉璫緘札勸加餐

無端來也無端去道是多情却不情夜月為誰弄絃
索春風何處語流鶯當年門外桃依舊此日樓頭柳
向榮臨別一言堪刻骨莫耽詩酒誤前程

漫將紅淚灑丹楓萬里雲山一夢中殘葉何心還作
雨落花有恨總啣風玉環約不西川負羅帕緣猶夢
澤通不用金釵燈下卜古來溝水尚西東

客遊五載顛沛無適意事回首生涯真堪一慟
亭館淒清夜不眠蕭蕭寒雨打湘絃夢魂一縷渾無

此首原稿頭寫
「自州」二字

此首原稿楮頭
馮「自刪」兩字

此首原稿末註
「衰頹宜刪」四
字

着知在蘆花淺水邊

戊戌七月
廿八夕

和耀哥韻

半天紅雨掃新愁
醉卧邯鄲舊枕頭
却被西風漏消息
海棠憔悴不禁秋

和淮弟秋夜韻

玉宇清高北斗橫
葯爐經卷伴殘更
分明一幅秋江影
付與旁人畫不成

和熙弟韻即以哭之

百感消除夜寒燈
自在紅功名花背
露得失草頭風
我豈多情種誰為
不老翁莫牽塵世
累撒手便空空

懷天涯諸兄弟

冷落烏衣巷，襴斑范氏袍。
江湖拋骨月，性命托風騷。
屠狗寧餘子，驕蛟屬我曹。
馳驅千萬里，且莫怨勞勞。

自懷

山鬼窺牕咲，先生興太豪。
文章鷄壽世，名刺已生毛。
息壤空留恨，雄心枉奏刀。
長沙忠憤淚，莫洒遍征袍。

秋夜分題得織女

淚珠錯落溼雲錦，翹首銀河又一年。
不有人間烏鵲力，也須低唱想夫憐。

有悼

此首原稿楮上
寫「自題」三字

藩溷飄零甚生機自大艱玉魚千載去錦襪在人間
自題小象寄呈家君
傍繞菊花時戊戌十月初二日
嶙峋傲骨忒清臞恰與黃花共一圖一紙寄將真面目
廿年愧此好頭顱封侯誠是鳶肩格食肉難期鶴
背軀故我依然還作我敢同草木逐榮枯

博得朝朝辟弭呼故將小鏡貌新吾繁華洗盡精神
淡霜雪磨深面目枯為愛幽芳堪結伴頓教色相未
能無葫蘆何日翻新樣對此西風淚點粗

見晚菊有作

舉目西風景物賒殘枝猶剩兩三花低徊觸我田園

感夢到柴桑處士家

武昌城樓晚眺

歷歷晴川雪滿枝
半江帆影落煙絲
沈郎腰瘦難勝帶
宋玉愁多減賦詩
大事竟為鑒子誤
雄心僅有曉雞知
城頭夜半悲笳發
更有何心感別離

積雨新霽得淞水劉大芷珍書作此以答

鶯語曉風清
牕南喜報晴
花枝蜂背亞
衣桁蝶魂輕
酒為懷人減
詩因寄遠成
錢唐春水滿
尺素倍關情

祝家君壽

一着征衫不計年
萊衣猶憶舞蹁躑
紅雲捧上長生

錄獨向天邊下拜先

高堂鬢髮近如何莫為思兒鏡裏磨六載不暹暹有
日一團明月下松阿

贈王石孫西行即次林琴南孝廉送其今耕子

瀛先生游巴黎韻

從戎投筆始男兒海渡條支眼界奇舉國爭觀黃種
客殘碑好認漢宮姬山登大浪休回首東望中原合
有詩報道西行萬里去有人羨煞挂帆時

書懷

淚為思家墜腰當報國伸風塵傷馬磨時局嘆車薪

露冷霜寒夜衾單夢醒人吾鄉
歐冶地何日見龍鱗
懷巴黎王友石孫

秋光淡蕩劍先寒回首繁華事已闌
昔日鳳鸞傷遠隔故園蘭桂痛摧殘
十年舊雨心同話午夜酸風淚
再彈為問吟儔在何許馬西海外水漫漫

蕭齋枯坐感述寄贈如兄仲華海上

伫望長安淚滿襟六龍回首暮烟沈
西湖有客仍携蟀涿郡何人更却金
索寞中原止砥柱酣嬉危局半纓簪
北風掠地簾開處萬本芭蕉黃到心

冬月十五夜作

消息梅花近巡檐日幾回未開尤灑落欲折又徘徊
照也宜高燭供應傍鏡臺倘憐高士意莫使有塵埃
臘月初四夜申江小住仲哥邀同觀劇梨園遍
而有作即贈仲哥以申別意

舞袖誇衫各擅場大羅天上譜霓裳知音合讓周郎
顧擊節難勝狎客狂河滿一聲花兩部陽關三疊淚
雙行歸帆明日乘風掛煙水離情又渺茫

初五日書於名利棧

腐客

以上皆余西行前所作至壬寅年止丁未嘉平之
月由巴黎歸濫厠部曹日無暇刻吟詠中輟

戊申九月十一日舉男二十一日南宮報捷家

君以詩誌喜恭步 示韵

宮袍恰映錦綉新 友京丹詔頌來賜出身

奉旨賞給法政科

進士金殿傳宣名第二 高堂頤養壽千春

家君適于

日千蓬山指日為前路

明春三月殿試

瀛海當年本舊人

予曾

游學歐祖德君恩共深厚 文章豈足答前因

洲五載

余西行五載間有得句寄贈內子然未有留稿近亦不復記憶宣統元年歲次己酉正月十六夕內

子就紫頭口誦為補錄如右

過印度洋薩克森舟中得句寄內
光緒廿九年春癸卯

願教夫壻封侯覓不信閨中離別難鏡底蓉花休再

卜是時科舉已廢自腰間金印許同看高堂甘旨卿分此生無科名矣

能職萬里風雲我自搏五載光陰彈指過故園回首

月圍團

過地中海口占

誰道歐洲行路難長風萬里一帆安湖山海外多奇

氣助我文章作大觀

參贊海牙保和會事畢思歸 錢念劬星使婉

留署中以詩謝之並用其韵

光緒三十三年暮秋丁未

寄身異國五經秋 舐犢情深有白頭 極目停雲親舍在 不堪重上仲宣樓

蒼狗風雲大陸秋 傷心時局爛羊頭 故園松鞠都無恙 忍負秋光獨倚樓

畢業歸國海程偶作丁未十一月朔夜

離家四萬里去國五春秋一粟窺三島彈丸藐九州

競爭分色種割據逐王侯民氣升朝日人權吼暮潮

前程差足喜過路太無聊舟中推手城郭應猶昔桑

榆尚可收挽瀾期少壯求學有朋儔在洋未歸萬卷

琳瑯擁書生亦可驕通舟載西書四百餘種故云

戊申歲暮恭步家君土花示韻

不勞灌溉與栽培初傍墻隈漸上臺一樣托根有碧

蘚都從文字結緣來

幾經磨劫始成材得意春風一咲開莫作墻茨同看

待天家雨露正頻來

戊申祀竈夕作恭用 家君病起原韵

瑞雪報飛花寒威入夜加宮燈兩行耀臘鼓一聲過
詩思濃於酒離懷亂似麻出門半相識冠蓋滿京華

己酉十月八夜詠馬

漫說齒空長澄清攬轡頻馳驅皆為主操縱總由人
歲月消蹄鏤關河厭麴塵驪黃徒賞識不露在精神

十一月十九夜哭亡兒友京 兒生於光緒戊申九月十一日殤於

宣統己酉十一月初八日凡十四閱月

生來方面復長眉泡影居然現霎時予奪不情天帝

醉死生無據命宮奇寒酸德薄難勝福憂患心深不
解悲三尺紙棺一尺土夜臺誰為慰嬌癡

宣統元年除夕感懷

仿古雜體
己酉

去年除夕家書至為訴老父病在床匆匆檢裝假歸
省破凍南下一葦航堅冰船底作奇響歸心對之殊
傍徨遊子到家甫十日老父不起神無方父曰兒勿
悲垂危猶及見吾兒好自為之如吾在時遂瞑目而
嘻今年除夕兒京師含淚來寫哭父詩父在九泉知
未知

去年除夕我有子圓顧方面復方趾親朋同說是兒

美他日讀書拖青紫乃翁見之亦色喜詎料黃口初
生齒一病嗚呼竟已矣人生壽夭原有天千古誰見
不死仙那堪父歿兒殤送一年使我哀痛復顛連為
送窮年起孽牋陽春霜雪天道遷今夕欹枕且安眠
會看明朝紅日滿牕前

庚戌八月以編脩改官外部郎中戲詠水仙花
志感

蕊珠宮裏列仙班閶闔風高響珮環別有熱腸難耐
冷凌波微步到人間

補錄丁未七月海牙保和會感述

四國盟成日中原劇烈時冠裳空抗議壁壘正編師
積弱成黃瘦盲從有白癡朝堂躋伴食惟惺靜觀棊
逝矣東流水悲哉憂國詩有家歸未得惆惆鞠華期
時已畢業巴黎亟欲買舟回閩
一省老父適有錢使婉留

辛亥六月初十夜直宿 西苑寫懷

披香前殿擁群仙濟濟冠裳踏曉烟風送玉珂雲外
響幾疑身在大羅天

八月初四夜戲用香奩體以勿言勿動勿視勿

輓九姊句

憶當年隨郎携兒女來三箇月言笑京華分手竟成
永訣

痛此日先我覓爺娘去數千里崎嶇蜀道愴懷徒發

悲詩

又代佑農四哥

十年前聚首夔門臨別諄諄勗我名言猶在耳
萬里外違魂蜀道此行草草傳來惡耗太傷心

聽擬題作訓女詩

駟馬不及舌言出疾如箭惟口能興戎三緘世所羨

勿莫摘鳳仙花猩紅染纖指跬步慎嫌疑整冠與納

履動莫照雙菱花青絲暮成雪色相太分明恩怨從

此結視勿莫管黃鶯啼莫嘆風雨惡鸚鵡最多言頻報

花開落

聽勿

恰克圖議約贈陳士可

甲寅冬月

武昌舊雨感蒹葭猶記門前問字車

士可前充武昌自強學堂漢文

教習早歲文章驚長老丁年冠劍壓風沙

士可前以考察學務曾來

外蒙敲餘吟鉢搜殘碣唱徹旗亭動暮笳湖海元龍君

最健高樓春擁赤城霞

將軍無術滅匈奴宛轉和親計已迂雄辯枉枯三寸

舌

士可時充
會議顧問

昂藏空具七尺軀
籌邊苦累龍門筆索

隱勞窺海國
圖為約黃龍
痛飲日橫戈
擁馬與君俱

影梅庵憶語題後

亂離疾病皆疑案
水繪園教說到今
亡國竟添兒女恨
有身終導是非尋
黃山白嶽空留影
碧海青天別有心
漫道清涼了塵劫
鏡臺愁對佛堂深

庫倫署齋夜坐感懷 丙辰春月

仗節走龍沙
行行雪作花
乙卯六月由恰回
京九月由京來庫
兩年三

奉使甲寅正月使墨未成
旋復使恰乙卯夏使庫
十載九離家
丁未由巴
黎回國即

留正朔官書奉外蒙公文已
奉民國年曆
冠裳上國誇穹廬
小兒

女園坐說京華

倒疊前韻並示楚尸字青仙曾湖士子明壁南

諸君

行國栖遽閱歲華居然小集亦堪誇

前作諸君均有和唱

空教

漢使此持節未減匈奴莫說家去日肺腸曾縱酒老
來心緒厭看花玉關會有春風度誰說藩籬似散沙

楚尸和
句有云

和字青韻並畚其意

大清八月賦乘槎生佛誰能一萬災九服屏藩嚴鎖
鑰男兒事業在風沙驚傳萬里烽烟緊又見連朝羽

檄斜回首中原頻攬轡不堪老淚落銅琶

丙辰二月二十日生男數日不舉詩以遣懷

情懷中歲多傷感六日匆匆自有情夜靜牀空燈焰
碧風簷滿耳尚啼聲

秋漏 限冬韵 十月十二日吟局拈題

蓮滴聲中觸舊蹤潛然老淚嘆龍鍾邊關哀角嚴城
析齊挾秋風雜亂蛩

靜數銅壺欲起慵霜華鴛瓦夢惺忪聲聲似訴長門
怨目斷昭陽路萬重

午夜丁冬斷續逢關河冷月感離蹤紙牒刀尺聲相

應寄遠衣方密密縫

泥美人 限支韵 十月十八日吟局

一丸搏出傾城貌 五色裝成落雁姿
身世漫添黃土 感真娘墓上草離離

裊腰草色思前度 黃土鞋尖認舊時
總帳空餘遺象 在苧蘿村畔拜荒祠

雲鬟霧鬢也趨時 鴻爪留來相有皮
失足須防齏粉 碎由來薄命屬蛾眉

居然傅粉與塗脂 美術翻新巧入時
莫羨人間金屋 貯一坏冷落月遲遲

袖海小阮隨節庫倫共晨夕者一載近拜科署
祕書之命行有日矣呈句留別依依有情棖
觸舊懷潛然出涕勉和六首以壯其行

三年雪嶺未歸人一着朝衫絆此身蒼狗白雲驚百
變更從何處覓天真

廿年鄂渚同拚酒此日和林共賦詩不盡萍根風際
感寸心惟有短燈知

寒素家風畊讀宜不須悵悵問何之聯床伯仲堪稱
健一曲壘篴奏可兒

時漢宇亦阮
于役庫倫

莫戀深盃夜不眠浮生窮達總由天邯鄲道上黃梁

夢一杵霜鐘一惘然

問世以來政局已三變矣

詩虎遺編尚待刊淋漓舊句記同看竹林往事都零落大別山光入夢寒

少小才華萬丈濶隨槎令見漢衣冠汗山風雪眩雷月收入奚囊作大觀

誤入桃源 限先韻

一舸隨風落洞天幾疑羽化逐飛仙欲尋來路渾無着世外居然有大千

煙水茫茫路幾千偶然身到洞中天飛升竟是尋常事翻笑人間舐鼎仙

不因避亂思逃世豈為長生去學仙自與桃花有夙
契玄都千樹記當年

塞外老樹

括題並限歌韵廿子明
內弟訂局十月念八日

枝柯無復綠婆娑大漠風霜飽折磨辜負參天樑棟
想托根早已誤明駝

黃沙白草埋衰葉塞雪邊霜鍊鐵柯羨煞江南堤上
柳六橋風月舞婆娑

沙場舊將憶廉頗曾向陰中夜枕戈今日邊關沉寂
甚空餘老幹繫明駝

庫倫衙齋即事

丙辰冬日

盡說高原勢建瓴天山早已撤藩屏開元盛事餘殘

石唐開元廿年封外蒙闕聖武遺編愧典型有清經

聖蹟見安得長纓繫胡虜空勞小隊駐郊垆漢臣一

把滄桑淚夜夜成冰洒北庭

毳幕風光又一秋籌邊無策苦搜求誅茅為拓三弓

地署中拓屋疊木添修百尺樓西比利亞一帶俄人疊木築屋覆以鉄瓦署中

環翠樓兩字刀環縈夢寐頻年塞月照歡愁無端霜

雪先侵鬢那復還家尚黑頭

不須解組已懸車卓午關門報放衙坐看楸坪爭黑

白時逢高會鬥尖叉訟庭鳥啄新添雪鈴閣蛛封隔

歲花日日登盤同首藉依然風味是山家

轅門鎮日雀羅張長伴駝鈴話夕陽僕餓爭隨秋葉

散

僕輩不能耐苦
求去已過半

官閒翻笑嶺雲忙採風排日零星

記刻燭寒宵急就章誰與高樓破岑寂單于臺上月
如霜

出都留別石孫外部

補錄己卯十月

咳唾珠璣見胆肝武昌回首曉星殘廿年文酒都成
夢十載朝衫亦寡歡世事未聞鶯出谷浮生幾見月
如盤京華滿眼韶光好多買胭脂畫牡丹

環翠樓

丙辰冬月

乙卯十月使絕域萬里荷戈詔勒汗山東畔木城
中夜半叩關訪荆棘胡兒牽馬指轅門華路荒涼黯
無色相將火伴卸征裝糞除枕藉資棲息今年三月
來薰風伐木丁丁求良工誅茅拓地城之東高廬百
尺扶層穹華堂曲房相溝通四面明牕開玲瓏更有
長廊倚卧虹響屨聲中來歸鴻主人猶記落成日賓
從登臨欣載筆羣山聳翠列如屏塞草寒鴉秋瑟瑟
小池流水清且漣壓簷老樹古無匹有時擊鉢唱風
沙樓頭落紙如飛花有時退食百不事高卧一室老
煙霞古來興廢各有數河山誰主豈無故匈奴突厥

相遞遷依舊燕然置都護窺邊窮虜休得志滄海桑
田亦天意因知得失本循環且名吾樓曰環翠

讀唐史有感

改元偶同吉甫字聚斂早誤叔文謀匹夫成敗不可
說坐令元氣一旦凋河朔諸鎮自世襲廝養盤據稱
王侯可憐誰釀五季禍千載空貽讀史羞

讀長生殿傳奇口占

郎當棧道雨如絲一樹梨花萬古悲坐擁六軍成底
事不能殺賊逼蛾眉

此意恐曾經前
人道過

丙辰除夕

三年馬飲圖拉水此夕杯分蒲類春好覓林泉供笑
傲明朝四十過來人

庫倫春日丁巳

九九光陰又一遭喜看凍雀漸生毛低簷冰筋裝瓔
珞大地陽春到節旄薄雪猶能教路沒微雲終不碍
天高盈虛消息安排好何事營營枉自勞

楚庵表弟於花朝日招訂唵局四山埋雪塞草
未芽悵然有感因疊前韻以報

一從遠戍苦相遭二月蠕蠕地不毛聊借詩瓢消塊
壘尚遲草色映旌旄春光江左思如痲酒價長安日

漸高趁取玉關楊柳綠揮鞭歸去敢辭勞

五月十一日庫倫道中口占

輪蹄輒轢冒春寒上度層巒下急湍萬里南旋先北
轍取道恰克圖入關歸程日日遠長安

十八日舟抵上烏丁斯克登西北利亞火車

渡得仙娥

格即色楞河

第二程歸軺從此向南行鮮卑三

日風沙惡依舊腥羶國裏情

念四日入關

霜天鼓角幾經秋鉄騎光寒靜不驕今日玉關飛馬
入春風吹暖大刀頭

荷戈壯士喜還家，別有情懷似亂麻。且莫回頭看殘雪，馬前十里盡桃花。

丁巳十月乞假回籍展墓感號

一去鄉關又十秋，墓門無恙長松楸。傷心袴褶歸來日，空拜離離草一邱。

戊午重九敦民林九以淡瞻定軒落成徵句

丁年冠劍暢乘槎，滄海還來鬢未華。解紱一心盟白水，開軒九日見黃花。誰知處士山中鶴，來種故侯門裏瓜。場圃豈容長笑傲，清秋萬帳正聞笳。

己未七月聞林念茲表兄之訃句以輓之

聯句

幼日同蔭重闈憶曾出入相隨款款深情說孝弟
羊年竟丁厄閨痛比鴿原失序淒淒老淚灑池塘
庚申五月馬海饒學兄囑題戴文誠端忠愍兩

師書扇遺墨

廿年蓬島舊知名回首青鐙共有情海外文章留政

要君與予海外致答著作均刊入列國政要中南樓風月憶量評岷江歸

鶴餘華表嶺嶠停雲悵玉京遺墨數行勞想象不勝
風義感平生

巴黎和友人寄句

坐看萬象霎那遷歸鶴如今不記年亂石急湍方作

浪回頭翻羨在山泉

簾外春光取次遷
華胥入夢又經年
禪心不共浮雲
逐肯負西山一勺泉

和張天方鳳先生讀紅喇嘛贈句

八月槎輕且載書
竹竿空望上鮎魚
夜談傳自天方
國禪語參來鎮海
珠邱索聊誇東觀
富鋤稽漫笑北
山愚洛陽紙價原
無準

紅喇嘛出版時已黎報帑爭相登載者凡七八家覆

韻他年或不如

子長壻出冊索書句以贈之 甲子孟冬

英才重修謹西監最稱賢
冰玉平生願絲蘿萬里牽

楹書能早讀軒語莫忘編六籍勤耕獲清聲聞九天

翁克齋祕書屬題自繪西山紀游圖

幕府清才最繫思鄭虔三絕畫書詩西山一角饒深
意十丈紅塵總不知

荷戈絕漠復西征載筆皇華最有聲我亦汗山前度

客相逢杯酒倍關情

克齋隨徐又錚專使來
歐政警政治始獲結識

裙屐風流想見之聯肩選勝又尋碑敢因老大傷衰
歇紅葉他年會有期

張梅孫 同亮 出冊索書句以贈之

異國相逢興倍豪深杯寒夜酌葡萄琳瑯萬卷誇能

讀海嶠南音竟善操

梅孫浙人極諳閩語

世重孟光書作案人

為逸塘之姪女公

家傳京兆彩生毫他年共話烏兒

峽把臂曾經狎海濤

乙丑夏月同在法海濱追暑日日相將海浴

贈靳仲雲志進士

乙丑

廿年踪蹟感蒹葭此日相逢鬢已華元祐舊人真不

變

司馬溫公云始終不變真元祐人也

貞元朝士竟無家槎隨瀛海詩

千首氣壓漁陽鼓一搥我羨香山老居士

仲雲自題其集曰居

集易花前置酒樂無涯

再疊前韵贈仲雲同學

乙丑

仄飛六管動吹葭

本冬日已交冬至

容易韶光感物華風采尚

存前進士文章不讓大方家
明光畫戟都成夢
遼瀋寒鞞竟亂搗
裨闔即令重壇坫
豈容詩酒老生涯

丙寅三月念二日五十自壽恭步 先大夫五

十自壽原韵

扶提善病記童年
八月書牕尚裏氈
不覺韶華符大

衍姑招桃柳佐長筵
半生行李類如寄
福州十七年
武昌九年北

京十年恰克圖庫倫共三
年巴黎前後已十一年廿載敲槃那足編
倘許婆

娑餘歲月願看萬帳盡歸田

道署嘉堡海墘感賦

歐人避暑如避兵
盡室襪被東北行
歐土五月時飛

雪行滕誇耀毳裘輕重來有客未免俗年年逐隊聊
經營晴灘午睡看浴日小閣朝興聽談瀛我國避兵
甚避暑十室九空無甯處循環藩鎮各稱雄今年為
虎明年鼠哀鴻嗷嗷遍禹域赤日行空炙禾黍何時
重作太平民不見刀兵見機杼

擬改作何當四壁見
桑麻不辨喘汗聽那

許

紅花

十里紅花燦爛開當年帝子手親栽路隔今有王孫
泣望斷翠華天上來

簣基四兄囑題紀念冊子 丁卯二月

敬恭名輩重通家銀漢風高共泛槎道義論交心是
佛文章潤世筆生花朝曦東望窮天末榕蔭追踪傍
水涯行看太平隆盛日故園携手醉煙霞

送裕格勒烏夫人殯過感作

戊辰四月

不汗七日死空懷千歲憂失羣難獨活內熱自多求

慕義憐華胄

夫人向熱心教育巴黎中國學生工人多承飲助

游蹤戀亞洲

撫棺無眷屬多士拜松楸

是日送者多中國人

五月廿六日同希臘駐法公使會簽中希通好

條約

國交從此訂署諾字如金文物同稱古梯航盛到今

大正...

主權平等重國體互相欽約二語為本大地通歐亞相携共素心

民國十七年六月三日第三次赴瑞士國際聯合會
行政院第五十屆會議道中感述

拂曉發巴黎晚宿曰來弗一千二百里電掣若無物
百城越霎那千山度髻髻八駿誇穆王荒誕莫能詘
我有四輪車乘風信飄欵欲問駕者誰高陽段伋伋
段憲章保定高陽人人極忠實御車五年無過失

程蓮士兄囑題先德厚夫先生遺象
民國十七年六月

世亂身先隱源清流自長南山知晚節松鞠共幽芳
和海牙萬國平和院判官日本織田萬先生六

十自壽原韵

甲子欣逢正一周年華與水各爭流致君堯舜書兼
律報國文章仕則優龍馬精神長在望海牙風月可

忘愁平亭萬國紛爭局信是君身繫五洲

來向自註
佐久間象

一新日本之先覺者也
有言曰男子三十而
一身繫於鄉四十繫於國
五十繫於五大洲

我亦離家四萬程蓬蓬霜雪滿頭生八年持節嗟何
補半榻橫書若有情也逐冠裳舒謹議曾登壇帖解

紛爭

去年十二月國際聯盟會第四屆
通風好趁西風
十八次行政院會議係予主席

緊三已休誇三仕成

七月十五日卸任使事十七日移家湖邊

安排筆硯且為家一角湖山亦足誇天際已過南去
雁階前猶着晚開花無邊美景閒中得一例黃梁覺
後賒萬里歸舟秋未暮故園松菊正芳華

立秋

金風一夕動塵埃北雁離羣落九垓且莫聞聲增百
感更防落葉打頭來

口占

曾陪鷓鴣集羣仙一曲霓裳動九天莫為倒網學塗
抹阿娘身手記當年

落葉

八月廿四日
都囊湖邊

秋風一掃淨無塵
簌簌歸根了
風因記得成陰
曾隱
此謳歌猶有路旁人

回國渡印度洋繞錫蘭艤舟西貢晤黃仲訓賦

贈

入耳鄉音信不同
越裳喜接古人風
歸然家法傳詩

禮卓爾深心說孝忠杯酒已申雞黍意寸心共鑒海
天空歸颿我自憑風送萬里冥冥逐塞鴻

己巳七月十三日朱桂辛招飲蓮花石公園賞

月賦贈

海月新秋夜相看分外明醕醪方共飲銀漢正前橫
石現蓮花相峯留鷹角名殷勤雞黍意天外且談瀛

登蓮峯山口占

未上山頭來爭說山頭好振衣一登臨風物殊草草
但見海漫漫邨有仙人島波濤腳底生顛危心如擣
歸路趁斜暉抽身須及早

七月十五日觀音寺聽台源和尚講孟蘭盆經
現身說法擁袈裟一卷孟蘭舌有花應母乃能知救
母出家畢竟未忘家本來佛性原慈孝不滅靈光悟
正邪博得芸芸空巷出蓮峯大會是無遮

觀音寺

遺蹟重尋煥一新危橋長日渡行人回頭不識來時
路欲向慈航一問津

過橋後樹色四圍幾迷來路

蓮花石

橫流滄海欲何之一樣濤聲萬古悲惟有蓮花一片
石無言長照月遲遲

金山嘴

劉李崔楊各有莊
古城落日莽蒼蒼
娘娘廟外殘碑
在長閱風濤盡日狂

霞飛館

齊飛霞鷺記南昌
萬綠叢中一草堂
最好晚涼新浴
罷一甌冰水勝瓊漿

朱氏塋

松風謾謾水湯湯
卜穴何期到此鄉
絕好青山可埋
骨為添詩料綴風光

感懷

此方唱罷彼登臺轉眼滄桑亦可哀多少園林精結
構十年未見主人來

海浴

拍浮相約海之東色相看來本是空一笑教郎無覓
處潛身竟在浪花中

齊脫羅襦入水鄉中單映肉奈斜陽凝脂不羨華清
浴日暖風和水似湯

贈朱桂辛

經綸富國記般般竟為烹鮮到此間不用鹽梅偏煮
海料量煤鐵獨開山萬松長作聯峯蔭一杵能生萬

象聞不信桃源在人世炎威不到即瑯環

吳達泉招飲即席賦贈

綺牕臨海啓四面受風來好客頻謀酒看山喜築臺

別墅有台五座觀蓬瀛前度夢罇俎過時才名士盈

海看山各得其勝亦在座風濤門外惡把盞莫徘徊

顛雪誇郎一樹梅梅蘭芳亦在座

以上十三首皆已巳夏月北戴河雜詩

梅蘭芳為子畫扇戲題其上

繁響何堪憶舊時且依疎柳傍江湄無情最是閒蜂

蝶又逐西風過別枝

祝陳幼庸七十壽辰

百尺樓頭慶古稀杖鄉共仰羨門姿
欽槃今日推先覺測海當年是導師
擘畫國防知遠畧輝皇文藻到新詩
添籌歲歲春如海金竈煙濃酒滿卮

己巳冬日華洋義賑會委托海外募捐行抵西

貢感作

僕僕矣方為救災識途老馬竟重來
仁漿親自沿門乞善果先從此地栽
烽火連天酣蟻鬥死亡遍野痛鴻哀
青蓮魯直皆高士海外招邀笑口開

謂李仲卓黃仲訓兩

君

堤岸感懷

西貢歸舟得句

桃花色倩晚霞蒸老尚多情亦壽徵富貴已隨年少
去風懷偶向客中乘廿年止水忘人我一夕歡場動
愛憎紅燭高樓聽曲夜幾回携手畫闌凭

又

為設房中讌深盃綠螳浮離筵無別語一醉解千愁

又

淪落炎方老大年鄉音細語意纏綿無端觸我青衫
感不待琵琶撥四絃

庚午八月五日由津乘火車至留守營因暴雨

毀路軌道下泥土為急流衝去者約五里軌道隨而下陷舍車循軌道徒行十餘里達北戴河車站同行者中外人士共二十餘人

伏汎成灾豈一朝綢繆未雨枉囂囂橫流竟使田為海無地居然軌作橋跬步偶差防斷脰徒行失計屢彎腰平生足蹟天涯遍始信如今道路迢

海浴即景和吳達泉韵並示逸塘

海浴爭傳可駐顏招邀結隊復成班橫陳玉體渾無碍半掩冰綃樂此間迷目繽紛花五色隨波出沒藕雙鸞無遮會上原清淨十箇柴扉九不關

居此者夜不閉戶無

戶可閉者
十之八九

和饒衡移居詩

幽人卜宅愛城東，拂拂春風入座中。
信步看花蕭寺近，閉門索句素心同。
糊牕補壁詩如錦，掃榻留賓酒不空。
倘許追陪閒歲月，莫忘隔巷喚隣翁。

予居翠
花胡同

玉竦橋邊東復東，迷茫宮樹暮煙中。
樓遞傳舍身如寄，料理行窩我亦同。
且住為佳容膝足，不求甚解此心空。
京華塵土香猶昔，道路相逢半塞翁。

和饒衡海濱偶成元韻

長夏風光似好春，雜花如錦草成茵。
驕陽威歛緣憑

海淡月天低倍近人
蓮石夜涼松子落
蓮花石一勝聯

峯雨罷畫屏新
予居海面如列畫屏年年來覓三弓地幾

度蹠蹠為卜隣
屋每年來此覓頗覺費事

軒霞來詩謂為可然亭
女主人績牡丹日博醉

飽即和

鄭虔三絕是真才
為寫名花載酒來
畢竟當鑪非俗眼
不教病渴首空回

再和軒霞並答來意

沈郎老去說風情
好似秋蟬曳晚聲
太息半生忙裏過
幾回交臂外生成

達泉約上巳日看海棠以詩代柬依韵奉答

良辰修禊綺筵開
薊北春寒草似苔
火速綠章連夜

奏莫教風雨妬花來

連日大風揚沙
杏花已狼籍矣

午後風息微雨再疊前韵寄前溪

飛來好句報花開
有約蘭亭踐碧苔
布穀聲中農望
雨綿纖不厭養花來

製點心贈逸塘並繫以句 北戴河六月

平居未苦飢
出行常不飽
人生幾兩屐
云何拙與巧
鼓腹望太平
又逢歲在昴
我羨抱甕翁
哦詩獨佼佼
台閣久迴翔
菜根尚能齧
晨炊戒餅師
殷勤潔手爪

北戴河海濱雨後即景贈吳前溪

相望隔海角紅瓦披魚鱗風雨挾潮至山容變昏晨
雨後聯峯山一幅畫圖新遙認君居處君是畫中人
逸塘抵海濱抱甕廬東舊侶即和原韻

雙髻風塵變顏色人境結廬亦過客閒中歲月喜常
新秋月春花相遞易年年結夏居海濱如此風光不
多得誰種西山萬本松而今盤錯見根節謾謾清風
吹面來蕩滌煩惱忘鬱熱兩三吟侶偶傳牋佛曰因
緣不可說自有樂地比桃源造物忘巧怙右拙重來
舊燕本知時况勞好句相要約更無剝啄催租人我

輩方知此間樂

七夕蠖公招集松濤草堂次纓蘅韻

舊侶何期集海濱不嫌炳燭繼良辰觀天欲挾雲中
月是夕無月縱論猶驚座上人都與波濤曾久涉自然鷗
鷺喜相親滔滔江漢秋如洗萬里哀鴻何處宿

五十五歲自遣

雖然頑健誇腰脚其奈動搖遍齒牙乘興看花心未
老臨風展卷眼先花三餐平淡少為貴一枕沈酣靜
不詳一萬九千八百日驚心已過去年華

以一百六十年三

計

壽章篤臣五十

正符大衍喜稱觴積善門庭吉慶長天與辯才作楨
幹人同霽月照流光半生功績交通史卅載聲名道
路揚回首乘槎同破浪曾經憂患共相將

在巴黎車
中無故同

被槍彈君
受微傷

壬申十月十一日立冬

一夕朔風起寒威又入帷移花隨日影補屋趁晴時
落葉遲遲下吟蛩漸漸稀老懷驚節序益復愛晨曦

題洪寬孫畫松

托煙雲以寄傲看桃李已成陰痛蓬蒿之滿目思梁

棟而驚心

題洪寬孫畫梅步前韻

灞橋風雪鄧尉晴陰寫橫斜影見天地心

上海苦熱癸酉六月

火織洪鑪日日摧春申江上費徘徊千金欲買清涼
散十里難望止渴梅坐待鳴蜩催暑去貯看黃蝶送
秋來顏光擇地原非分亂世謀身自可哀深熱萬家
沉浩劫烽煙四省起飛災輕雷塘外無消息願乞金
莖露一杯

祝哈同慈淋夫人七十

七月

黃姑織女渡天河正值良辰慶大羅益壽交梨來海
外延年火棗燦庭阿瑤池尊泛金莖露萱閣籌添玉
液波坐看萬家祝生佛古稀歲月任婆婆

肖輪表兄囑題小颿六姑丈孤笠雙諧圖

自註即孤

立雙諧之意

衰遲富傷感滄桑驚觸目團扇省遺容鬚眉何肅穆
文采紹家聲虎頭宜食肉三上躡春官低徊就微祿
何處蝸海樓煙雲漫山谷蘿桂遠相招
用林文忠題載書歸里圖
句聯嫵欣擇木
無何

孝廉船天街遠賦鵬從此事長齋青鐙照幽讀

六姑母精

文史工吟蘭桂挺塔除秋風摧慈竹回首四十年刹

那信轉轂頭白老弟兄流落依滄瀆往事話酸辛前
塵誰能躅珍重此零縑精靈長往復

壽劉雅扶同年五十

門第烏衣比謝王嶽嶷頭角早登場宮花同踏長安
月美醞曾飛曲水觴燈火萬家見機杼桑麻十里是
文章芬芳散佩稱梅鶴偕老詩賡五世昌

壽陳蔗青五十

嚼糝山房詩草

詠僂留刪

詠月

牆角斜陽宛轉收
又聞砧杵擣新秋
姮娥應是憐孤影
半捲珠簾露玉鈎

上旬月

誰家笛弄可憐宵
寒柝初聞第一敲
倚遍欄干花影疊
銀河一角掛弓雕

上旬月

三五佳期望不空
遙聞樓鐸響丁東
廣寒宮裏無多事
鏡匣新磨照影中

望夜月

明滅星光欲曙天
無聲萬籟靜參禪
模糊窗外留清影
伴聽殘鐘破曉眠

下旬月

映首首句見上室
吟草(鏡聽)

鏡聽

刀鏤消息海天空江上連朝盼好風且喜芙蓉休再
卜燈花如穗昨宵紅

盈盈抱月出簾櫳寶鏡銀鐙燭影紅為想空階潛貯
立悲歡都在一言中

春夜客窓憶舊

樽酒春寒夜讀書孤燈伴影帟窓虛故交強半無消
息怕向橋頭釣鯉魚

瞎馬

局促名疆眼懶開霜蹄屢蹶踏青苔世人也被他輕

此首已見止
室陰性

此首已見
止室陰性

笑明目盲心更可哀

長途落拓嘆庸才
滿目塵埃久不開
最苦雨餘泥滑
滑暗中摸索一鞭來

目空一世少奇才
挫折中途眼被災
曹霸若逢應擱
筆點睛不用費疑猜

風沙滾滾迷雙目
伏櫪雄心久已灰
羨煞同槽有良
驥花陰金勒一鞭來

漢江泛月

一色江天渺中流
任所之帆高風力
飽舟笨櫓聲遲
月影隨飄泊
砧聲感別離
扣舷心似水
搔首好敲詩

黃鶴樓晚眺

滾滾長江極目中
水村山郭夕陽紅
遲迴颿影晴川閣
嗚咽流聲漢主宮
故國烽烟譚解客
三邊旗鼓誤羣公
鶴兮一去何時返
那復凌虛仗御風

偶作

苦吟神倦詩魔出
折酒腸寬醉眼瞋
鎮日閉門還自喜
胸無茅塞目無塵

感作贈若湘八弟

炎涼變幻困針氊
努力髻年快着鞭
寄語篙師早收拾
掛颿好趁曉風前

此首原稿
已勾去

以首原稿
已勾去

久磨心境難如鏡百鍊肝腸不似冰塵世欲除煩惱
事却輸薙髮學山僧

喜晴

經旬積雨久濛濛忽見朝曦霽色籠晝起捲簾人影
悄賣花聲裏一竿紅

孤枕不寐感憶 重闈因賦七言八韻

髻齡失恃感牽衣阿姊相隨大母依誦讀總辜芸帙
擁嬉遊也捉柳花飛再遷大阮叨團聚

博叔同
居三年

一去

西人藉指揮

辛卯解業
政學法

入船
文字

曾記匆匆陪病榻那堪

渺渺痛重闈烏私未報腸空斷鶴餉雖沾淚暗霏欲

拜松楸偏遠阻願供甘旨竟長違倚樓回憶恩勤日
却怪西山易落暉

步西農大哥韵

受經絳帳事成虛浪擲駒光悔厥初末學空懷千里
志恨心未讀十年書待時藏器還期汝變計於夷倘
謂予造鳳自知無手段將軍早負腹中儲

題夜織圖

拋梭影裏一燈孤欲織迴文寄役夫蛩語細爭輪軸
響雞聲為訴別離辜寒催軋軋神忘倦巧試纖纖手
自扶擘絮續絲忙未了三更月色入簾隅

此首原稿
已刪

咏柳 傷楚俗也

芳草萋萋不掩扉
托根生小傍苔磯
春來不許行人折
留逐秋風作絮飛

秋鞠春蘭又不同
幽居空谷隱籬東
如何汝獨垂青眼
慣送行人逐朔風

咏梅

江南移種到樓東
一點靈犀暗自通
聘得海棠應自悔
不如紅杏嫁春風

寄閩中諸昆季索詩

床頭詩草傭收拾
寄徧故園伯仲行
未必曲高何和

此首原稿
刪去

此首原稿
刪去

此首原稿
已刪

寡幾曾帝短說情長客愁惟有家書解鄉夢悲看孤
月涼知否天涯寄蹟者捲簾時盼雁來常

遊僧寺題壁

一龕佛火供如來兩樹菩提傍月臺天下名山都占
盡幾生清福好修緣

胡盧一笑入門來玉磬聲沉萬象灰只覺清香無覓
處老僧為道木樨開

梅妻

月畫蛾眉雪壓肩檐前紅白各爭妍粧臺笑語應低
問修到今生第幾年

此首見止堂吟牋

一三兩首見止堂吟牋

蘆簾紙帳伴寒眠
眷屬天然自比仙
更有一番欣賞
處膝前鶴子舞踟躕

海棠不聘聘逋仙
月姊為媒締夙緣
芳譜聯襟有靖
節也携菊婢隱籬邊

月滿簾櫳雪滿天
亭亭瘦影伴吟肩
相逢一笑寒盟
締免學天孫借聘錢

曹孟德贖蔡文姬

寒風颯颯撲蛾眉
環珮魂歸夢裏疲
不遇曹瞞輕阿
堵胡笳依舊唱驚離

千金北地贖胭脂
孟德何心宛轉思
淒絕胡笳彈月

夜回頭忍看漢官儀

花朝

花鈴樓鐸憂丁東燈影輝煌簇紫紅
幸有娥婦愛春色芳園光借廣寒宮

彩旛簇影綠楊挑十二欄干度玉簫
不祝名花祝椿樹年年長蔭畫堂嬌

葡萄開甕醉東風半捲珠簾曙色籠
入眼春光描不得新篁綠襯萬花紅

春遊遇雨

約共尋春步碧谿絲絲微雨濕香泥
回頭鸚鵡洲邊

此首原稿刪

此首已見上
室陰州

草一色芳菲踏馬蹄

罵鶯

底事枝梢聒耳鳴
黑甜鄉裏喚儂鶯
漫將睨睨誇聲巧
不管閨人夢裏情

步月

蔦陰重疊映樓臺
弓樣羅鞋印碧苔
得得扶肩來復去
滿身香露月明纔

寄西農大哥

憶曾荆樹樂同居
三五寒燈夜授書
一旦驪歌分手別
閩山楚水夢魂舒

此首已見止
字陰焯

此首原稿刪

岳少保奉詔班師

英雄有淚呼天灑
父老何心繞道迎
三字奇冤沈黑
海千秋劍作不平鳴

干戈整頓賦長征
十萬貔貅破胆驚
畢竟書生高識
見敢於叩馬一言輕

十二金牌下詔驚
萬民遮道盡悲聲
莫誇忠胆辰星
貫其奈陰謀暗裏生

漁火

畫橋深處夕陽無
蘆火星星星傍水隅
一月如鈎波似
網兩三明滅勝披圖

一
二兩首見止
室陰牀

無端寄蹟托江湖
吹火蘆隈嘆釣徒
羨煞隔村修竹
裏書燈閃閃樂真吾

卧虎

吞噬心灰愛逸居
南山鼾睡夢華胥
道旁狐兔縱橫
甚開眼還須為掃除

搏擊歸來好索居
深林一枕黑甜餘
夢中猶憶龍潭
鬥颯颯腥風逼太虛

百獸聞風遁蹟如
危崖高卧傲居諸
山靈莫笑山君
懶十萬豺狼已掃除

客窓近况寄醉山詞丈二首

牢騷萬種撥難開
偶為偷閒索句來
詩債未清逋未
了客中何處築高臺
快雪新晴凍玉樓
瓊瑤世界豁吟眸
許多詩境都辜
負獨撥寒燈學楚囚

答 家君示韻

落花如雨打寒窓
鎮日詩魔借酒降
回首家山雲樹
裏畫堂春暖燕雙雙

消息棊花問綺窓
等閒索句氣難降
形骸不用丹青

寫高聳吟肩影一雙

答來示索觀
小像故云

病中聞春歸勉作此以送之

葯煙裊裊繞簾櫳瘦損輕支怕朔風
報道東君歸去也萬花零落褪殘紅

橫槊賦詩

舳艫千里蔽雲烟把酒高歌氣薄天
不料東南風緊後蕭蕭琴劍嘆飄零

走青韻

掀髯拔劍氣凌烟半壁江山掌握牽
知否天心猶祚漢東風助火燭長天

旌旗拂拂水涓涓烏鵲南飛月似煙
一曲短歌三尺劍吞吳氣壯壓樽前

客中貧甚感作五言一首

琴劍飄零甚天涯枉斷腸客多勞瘁茗燕苦已移標
衣冷酒無力腸飢飯有香幾回投筆起知已在何方

七夕

韻事流傳語亦談夢中說夢夢中猜塵寰兒女真痴
絕猶道天孫送巧來

握手天街話短長星星雨淚溼雲房人間天上非同
調十載征人尚未旋

牛女何年有此名荒唐綺語動離情鵲橋雙渡誰人
見口實徒供千載成

哭母贈若湘八弟

此首見止室
吟州

祇為途窮萬里馳，關山難越夢魂疲。
髫齡失恃君同恨，三載離家我歎悲。
無可補閒還擁卷，生來天性本耽詩。
何堪陟屺回頭望，烏鳥私情報已遲。

雲

睥睨人寰笑古今，屋高不肯作甘霖。
人情也學君輕薄，終是悠悠行路心。

我為名韉嘆久留，君何無事亦閒遊。
思親心為君惆悵，一縷飛來一縷愁。

枕上口占二絕句寄閩中佑農四哥

一在天南一地北，道行不得也哥哥。
客中雪夜無多

事自撥爐香讀楚歌

書生何事涉風波轉瞬駒光似織梭
欲問人生行樂處床頭擁卷酒邊歌

冬日客窓即事

煙滿簾櫳雪滿天毳裘不暖聳吟肩
梅花消息推窓問冰鑑胸懷抱月眠
詩到嘔心防有血棋逢敵手着
爭先自憐瘦影羞依鶴欲訴離愁
嬾拂絃讀罷水經思泛海抄成貝
葉學參禪蠹魚遮莫前身是開卷都
忘俗慮纏

曉起聞鶉聲喜而開窓見紅燭梅俱開因而有

此首第三聯見
止室陰州冬夜
客窓即景

以首原稿刪

作

一樹黃金一樹霞
幽香馥馥襲窓紗
呶啞兩鶻多情甚
似勸離人飯強加

秋窓有感

庭館蕭疎月不來
忽聞蛩語費疑猜
滿階葉落無人掃
始覺秋風又一回

問梅

前身是否玉為胎
閱歷風霜絕點埃
把酒殷勤三囑咐
十分莫為俗人開

哭絢罔三哥

以首見止室
陰作「贈梅」

此首第四聯
及第六句見
止室元龜圖

此首見止室
陰牀第四頁

此首原稿刪

昔年笑語憶同堂一覺黃梁夢不長未解忘情徒自
苦無端抑鬱為君傷共姜有志原知命伯道無兒嘆
彼蒼落月屋梁吊顏色幾回腸斷涉高岡

詩稿題後

半生心血好封存總是啼痕與酒痕不肯一焚化灰
土飛灰恐又化詩魂

步西農大哥元韻

朝朝尺素盼河間飄下琳瑯淚欲潛却喜相逢同異
客中猶強為開顏來信云不日將來鄂

駑質難期不蹉飛天涯知己信然稀出關繻棄平生

丁巳夏

此兩首原
稿皆刪去

志囊底無金不敢歸

來章問及
歸期故云

即用農哥韵寄贈泰興六弟

吳楚睽違十載間不來音問淚潛潛遙知蘭閣添香

夜新月如鈎映玉顏

弟新
授室

伯勞東去燕西飛分袂橋梁笑語稀君是浮家我孤
客何年携手賦同歸

自題影後寄閩

顧影猜疑是也非風塵何日脫征衣呈圖權作趨庭
樂暫慰椿闈望子歸

客中送秋

此首原稿刪

侍兒報道蟹初肥
彈指秋風菊又飛
明日半簾人影瘦
杜鵑勸客不如歸

寄泰興熙弟四絕句

天涯客夢有誰知
漢北江東兩地思
最好花梢月上夜
瓣香杯酒讀君詩

少小飄零托短篷
殘更夢斷一燈紅
秦淮春水南樓月
此夜鄉心兩處同

負米他鄉愧此身
貧原非病病因貧
枇杷摘盡荔枝熟
鄉味年年屬別人

春去天涯客未歸
客中猶自愛春暉
曉窓晝起無多

二三兩首見止
室「寄金陵書」

此首原稿刪

事黃鳥啼殘花亂飛

感作二首

能者多勞智者憂人生有幾學無求莫誇心巧能雕
鳳且喜腸寬善貯愁鄉夢圓於天一角詩心煨到月
當頭壺公不作愚公古縮地移山兩不侔

我本瀟湘一釣徒十年寄跡托江湖冰心也被浮名
絆傲骨難因權勢趨沽酒相如雖四壁負書翁子未
窮途最難再得兒時事曉月殘燈伴影孤

除夕守歲作五言六韻

爆竹催殘臘駒先迅逐輪闔山離別地鄂渚滯留人

索負皆詩債高吟少俗塵杜門無碍寐擁卷不愁貧
傀儡酒為解牢騷燈自親年華來日換客况喜更新

自喜

莫將迂腐笑吾曹落拓淮陰氣亦豪閉戶自捫心不
愧問天何用首頻搔籠中鸚鵡因言巧盤裏鱸魚為
味高寄語世人藏拙好山林抱膝樂陶陶

思歸

終軍十八別椿堂漢峙羈留三載強天外望雲徒有
夢客中愛日喜方長來書又報荔支熟開甕遙知家
醞香幾度思歸歸不得當歸滋味肯忘嘗

此首原稿刪

哭夢

仿拍梁
體試作

我生七歲喪阿娘永訣慈闈悵渺茫昨夜夢中如侍
旁依依戀母牽衣裳長跪問安心徬徨不勝嗚咽聲
悲涼母撫兒背空斷腸囑兒努力事椿堂趨庭愛日
日正長何苦寸心徒悲傷兒聞母言心倉皇問母一
去在何方無何慈烏啼屋梁嘔我心血醒黃梁茫茫
夜色月滿床萬籟無聲漏短長母兮母兮何遽亾杯
圈抱痛淚萬行

三月十七日送葛厚臣回閩四月念七日復送

林醉山孝廉之滬因而有作

洞庭湖北借棲身送客連朝倍愴神何日天涯重捧
袂今朝江上共沾巾飄蓬無定原知數籠鳥難飛半
為貧欲別依依頻寄語夢魂帶我好歸閩

武昌城樓夜望

大別山頭月一彎夜來携酒叩江關

大別山在漢陽城外俗名歸山

是間閣撲地疑開畫樓閣參天似聳鬢燈火如珠知也
夏口風濤忽變認衡山故鄉風景無如此北斗橫斜
尚未還

贈湘弟

遺書不讀違家訓浮海謀生我自羞他日南宮春得

意高樓百尺仗君修

恭步

家君時局多變有感 示韻

漢北樓身三載多無端風雨奈花何錢局易主窮來謀食
原非易愁裏吟詩倍有魔無倚危巢憐燕雀驀然平
地撼風波而今大局都如此對酒何妨發浩歌

再步

家君示韻

行囊羞澀貯愁多愧我無才奈若何幸有機緣留一
綫那堪心緒亂千魔人情太息隨流水時言多艱逃

此首原稿刪

此首原稿刪

逐波萬丈狂瀾誰再挽蒼生何日唱秧歌

床頭蠹魚甚多戲作五言八韻以紀之

生平好讀書好在床上居朝夕卧不起匡床五尺餘
胡為好高卧多病體羸虛久坐神不寧高卧氣稍舒
床頭散卷帙歲久生蠹魚為食神仙字踏躪不忍除
呼童輕收拾拂枕整衣裾優游同自得何妨共居諸
客餘暇夏晝苦長因戲作十二花品以自娛

牡丹花

天生國色冠羣芳管領春風獨擅長金谷石家開錦

幄千紅萬紫擁花王

杏花

得意南宮及第花
瓊林宴罷帽檐誇
春風十里長安道
盡是尚書舊日家

梅花

紙帳宵寒聽雪天
飄飄清影勝神仙
壽陽宮裏春如海
點額粧成五出妍

蘭花

朝朝清夢寄瀟湘
珮解江干語亦芳
香艸美人同是恨
誰憐空谷月淒涼

蓮花

波光菱影石欄西
出水亭亭不染泥
恰好晚風送香
氣乘涼濯足向清溪

桂花

無聲冷露泛瓊漿
閨苑仙葩抱晚芳
此是蟾宮移種
植人間那得有天香

菊花

繞籬黃蝶醉紛紜
晚節流芳氣似薰
莫嘆幽香無賞
識阿儂雅淡不如君

木筆花

題春艷句直仙才書帶文林結伴裁為想青蓮花夢
筆分明夢裏此花開

水仙花

凌波清影抹輕煙羅襪無塵步水邊春日案頭清供
賞頭銜不愧署神仙

海棠花

倦倚闌干入夢時高燒紅燭月來遲無香未卜梅花
聘莫向東風怨別離

榴花

血色羅裙六幅開朝朝帶酒上桃腮生來本是宜男

相莫怪紅粧對鏡台

杜鵑花

子規恨魄幻奇葩
躑躅芳名信口誇
若有情應解
語叮嚀勸客早歸家

戲倣艷體詩四首

多事姮娥影不收
玉階小立看牽牛
模糊月晝秋千
影輕薄風敲屈戌
秋鸚鵡有言皆訴恨
鴛鴦無福本
難修懺懺人共黃花瘦
懶把珠簾上玉鈎

珠簾繡幄護重重
杯酒花前想玉容
蓮子有心無奈
苦桃花如面不重逢
生生好夢隨芳蝶
夜夜孤吟泣

此首見正室
嗟州

此四首原稿
均刪去

亂蛩未必無情皆免死銷魂真箇不如儂

有色無香恨澹棠相逢未嫁願難償痴心望斷鴛鴦

牒醉夢疑登翡翠床空把彩幡支繡闥不來玉杵負

瓊漿門前已落桃花片詞客天涯枉斷腸

畢竟無情勝有情何緣一見便心傾三生該欠相思

債萬種徒牽夙世盟戲鬥擗蒲消永夜怕聞寒柝度

殘更而今最是傷心處月落花飛酒半醒

步熙弟憶舊遊秦淮韻

秦淮勝地羨風流攬句猶如夢裏遊

每誦古人秦淮詩話輒作痴想

今讀弟來章猶如夢裏遊也 金粉六朝留艷蹟鶯花十里遍歌樓

綠楊影裏珠簾捲紅杏香中畫舫浮試問當時蘇小
墓題詩我也悵悠悠

再疊前韵仍寄金陵六弟

曉風殘月記名流勝地何時得共游

異日至金陵時
當與吾弟共游

聒耳管絃卍字檻惱人歌舞萬家樓蘇公堤畔楊花
舞白傅祠前草色浮二十四橋一輪月至今猶掛柳
枝悠

三疊前韵

昔年杜牧擅風流綠葉成陰感舊遊天下三分明月
夜揚州十里小紅樓

二語集
古人句

玉鞭金勒花陰度扇影

釵香柳外浮風景故鄉無此好茶鐺酒榼樂悠悠

夏夜孤坐感作二律

一片冰心夏亦寒夜深猶自怯衣單
蟬琴斷續憑風送蛙鼓官私逐漏殘
顧我不才容我嬾替人作嫁向人難
乾坤清氣鍾何處且向林泉白眼看
冰簟銀牀汗點斑夏來愛步竹橋灣
淺深月色吹鐙覺寐窈花香拂榻懶
寄客生涯如鶴拙勞人身世羨鷗閒
而今世路崎嶇甚却悔當年勇出關

秋閨怨

秋風颯颯秋艸折天外秋聲鳴金鏡
驚寒北雁已南

飛胡地寒冰剛半結少婦樓頭空自憐秋夜如年傷
離別良人一去絕音塵耿耿孤燈眼流血眼流血悲
永訣呼號一聲肝腸裂良人關外胡馬馳猶望閨中
迴文詩梨花寂寞胭脂冷閨中薄命有誰知漢水長
流不復還年華不再斑雙鬟當年錯嫁今何道江頭
消息盼刀鐮

自嘲

蝴蝶莊生飄渺蹤羅浮回首已雲封年來不作邯鄲
夢為聽深山一杵鐘

哭王門伯姊

姊貌酷肖先母性亦純孝溫良大
有母風聘吾鄉王氏壻齊敏諸生

年十六未
嫁而卒

一現曇花撒手無垂髫也解報勤劬憂分大母手中

綫年母較後長故子與仲姊三人共依大母姊愛奪嚴親掌上

珠知家君外出就席子年幼無遠得明經曾授學勩因

煎粥痛燃鬚芳魂侍母泉臺下母沒時姊朝夕泣血

期年而卒家君體其為道年來我棄繻孝思葬於母墳之側

時事多艱外夷凌侮加以豺狼當道民不聊生

因作長古十六韵畧以寄懷云爾

我生不才嗟庸劣咕嗶詩書迂且拙睥睨乾坤一戰

場無恙河山傷摧折去年 奪邊疆整頓干戈森

似雪牙山威海大徵兵戰士謀臣稱豪傑初來意氣
本自矜一戰再戰精力竭鼓衰軍潰各逃生刀非金
兮戟非鐵戰士視死不如歸謀臣貪生不重節可憐
萬姓有何辜枕骸遍野江流血吁嗟夫衛公五花不
復存武侯八陣千秋絕國運安危痛癢關我聞此語
眦盡裂男兒志氣薄雲霄何堪碌碌任銷滅當思鋤
暴並安良如戟鬚眉豈虛設人心不古收拾難風化
挽回真無訣既無訣且將詩酒供怡悅山林抱膝長
浩歌坐盡好月圓復缺圓缺盈虛有數存何用書生

短長說

攬鏡有驚作

茶經詩卷寄閒情過客先陰且自驚誰識天涯遊子

况新添白髮兩三莖

丙申荔夏清早梳頭
忽得白髮兩莖奇甚

贈西農大哥回閩四章

將離花發已春殘珍重長途強自寬天外贈袍無鮑
村侯門彈鋏笑馮驩高堂定省歸家好稚子傳經拭
目看身世浮沉原是命勸君努力且加餐

新愁舊恨疊如山又唱驪歌客淚潛一束琴書闔海
去十年筆硯楚天閒東西水竟中分別南北枝原一
本頌舊日田園蕪也未陶情松菊伴開顏

兢兢無忝襲箕裘湖海元龍百尺樓橫槩賦詩稱世
傑乘風破浪覓封侯壘篴團奏同根樂燕雀棲身異
地愁俊秀吾家有羣季謂熙沅兩弟準期聯步上瀛洲
卷帙摩挲手澤遺十年董子下重帷歸帆一幅憑風
送孤枕三更有夢知工部詞章留百代謫仙才調擅
當時瀟湘有雁頻來去課誦餘閒且寄詩

自懷贈西哥

十年書劍兩無成落拓吟身愧請纓屈志蘇秦嗟十
上雄心祖逖警三更開樽有酒為君酌負郭無田不
我耕恩重君親何日答不如歸去伴燈檠

七夕四絕句

沈沈夜色月昏黃
瓜果庭前拜七襄
不肯拈鍼隨女伴
阿儂錦繡織心腸
落葉蕭蕭碧海秋
共傳此夕駕雙翰
若非烏鵲多情甚
牛女絳成永別愁

買得并刀雪藕絲
年年此夕為題詩
庭前女伴低聲問
星渡銀河是幾時
畫屏秋冷喜吹簫
孤館寒燈帶淚挑
果是神仙成眷屬
何勞烏鵲為填橋

戴安道碎琴

齊韻

禁用題字

冰絃古調水聲漸不向權門浪品題從此悔應添爨
下良材何處仗提携
十年掛壁悵栖栖焦尾何辜作粉齏堪笑侯門彈鋏
者依人籬下首頻低
生平格調不曾低豈肯垂頭強笑啼賀老琵琶李暮
笛終慚廡下傍人棲

蓮燈 蕭韻

誰家巧製剪紅綃朶朶芙蓉出水嬌果是六郎顏色
好夜深南內燭高烧
許多絳蠟護紅綃髻清香帶暖飄卅六鴛鴦同夢

此首見上室
吟作

大正...

穩黑甜鄉裏訝元宵

池塘照徹燭高燒別樣還同映日嬌借問羣芳誰得

似榴花吐火可憐宵

池館香風送晚潮畫堂銀燭襯紅綃慈悲座上圓光

現幻作花身淨欲飄

蒲劍

年年午日掛雙扉自有霜鋒翠欲輝拜竹原為破壁

計化龍他日冀同飛

菊枕

掃來籬下趁黃昏瓣瓣編成伴旅魂一卧游仙弄秋

此首原稿刪

此首原稿刪

此首見上卷
吟牋

以首原稿刪

第一兩首見
止室陰州

色霜華滿圃月當門

枕上口號

東隣西舍無聲悄閃閃殘燈半作仄多謝有情一片
月夜深含笑入簾來

劍俠

限蒸韻禁用題字 陳笠村訂局

老夫頭角本嶒峻拚酒掀髯氣自矜欲問生平肝胆
託匣中秋水凜如水

鬚眉如戟髮鬅髻事到難平氣不勝熱血滿腔腥滿
手江湖浪蹟本無憑

寒光閃閃雪霜凝斫地悲歌冷氣騰記取私讐君莫

報男兒事業等鷓鴣

玉簪花 限侵韻

碧欄干外畫簾深
開遍瑤枝月有陰
自是搔頭添雅韻
蜻蜓不許等閒尋

金錢買得金釵插
一股清香暗裏侵
絕好櫻桃唇上點
襯來紅白色深深

萬朶瑤瓊契素心
水晶簾下色浮沈
侍兒金剪輕輕折
壓襯珠蘭香滿襟

佛手柑 侵韻 力薇師訂局

擘透霜苞瓣散金
纖纖玉指淨香侵
如來證得拈花

二
三
兩
首
原
稿
均
刪

世首見止室
吟作

笑貝葉菩提共賞心

蓮花座上色如金合掌談禪契素心
仗汝指迷登彼岸人間妙果已成陰

禪房西畔月輪沈一樹纍纍色比金
更有空門偕種子僧鞋菊合訂同心

巧月八月得家書欣聞四弟於六月念五日生
喜而有作作以誌喜

家君書至展吟眸為道長庚夢裏投恰讓荷花同日

誕荔支香透第三稠

滿弟乃側生第三乳

荆樹花開豁老懷庭前元愷樂同儔他年俊秀期羣

季助我同修五鳳樓

謝庭玉樹喜齊肩
迭奏堦簾詠眾仙
家君命名以兒輩小字皆用仙

字可謂堪笑筵開湯餅日
老饕天外為流涎

花萼樓揮艷絕時
讓梨推棗樂怡怡
楚江屈指羈三

載又見芝蘭秀兩枝

新秋

獵獵西風蘆荻花已涼
天氣襲窓紗
秋來池館添新
禱月冷城樓隱暮笳
落葉寒階吟蟋蟀
殘荷淺渚浴
蝦蟆離人百感橫
胸臆為聽砧聲擣水涯

依人有感

行跡門前長綠苔十年不字豈無媒交遊未冷金先
盡文字無靈筆可哀吳下阿蒙非昔日東籬陶令傲
歸來家貧猶剩一樽酒醉裏啣杯上釣臺

七月十六日送大哥歸閩路上口占書贈

江頭揖別淚珠乾一葉輕舟盪晚寒

是日予送及江而返

季子

千金歸去盡王孫一飯報來難家山君赴黃花約北
海予留白雪餐莫學東陵徒問卜蛟龍有日起波瀾

半閒堂鬥蟀

荆襄烽火使人愁何事平章尚夢游他日不堪過故
址亂飛蝙蝠滿荒陬

三兩首見止
室陰作

此首見止室
陰作

不知興廢不知愁一味關心祇浪游今日木棉菴外
路啾啾蛩語咽殘秋
半壁河山血戰秋當時天子豈無愁可憐宰相風流
甚促織聲中當展籌

簾鈞

波影玲瓏捲水晶一彎如月逗春情落花亭院東風
軟燕子歸來趁晚晴

湘波屈曲蒜痕明蕩漾西風聽賣錫莫掛護花鈴一
顆丁東敲碎夢難成

一角春山露晚晴欄干風細響琮琤香烟裊裊渾相

傍錯認雲中新月生

漢江泛月二章

人家隔岸兩三稀
風送危檣去若飛
蘆葦老漁收網
卧溪頭浣女負紗歸
寒山一角啣殘月
野水平鋪露
淺磯歛乃槽聲拍
荻葦輕舟知己近
柴扉

破雲東下認歸鴻
暮靄蒼茫罩碧空
波影輕搖雙槳
月浪花微噴一颿
風半僵枯柳眠空澗
如染霜楓覆
短篷何處按歌悞
儂曲荻花瑟瑟水
澹澹

咏梅

粧臺我欲喚卿卿
十五姍娉畫不成
絕妙雪天啣酒

看人間真有許飛瓊

飄飄檐下聳雙鬟秀骨天然瘦比山此是玉真姬寫

照天風吹下落人間

自感口號

詩鉢茶鐺春復秋誰家玉笛弄新愁西風江上添蕭

瑟孤雁滿湘尚戀游

梁夫人擊鼓

一聲作氣整三軍兒女英雄義薄雲南渡中興成且

夕金山碑合勒欽裙

淵淵聲裏掃妖氛玉腕三搥氣薄雲十萬金戎齊破

此首原稿刪

此三首改作兩首
見上卷吟味「梁紅
玉擊鼓」

二三兩首原稿
均刪

膽梁紅玉是女將軍
繡旗錦幟列如雲
玉腕三搥動地聞
十萬金戎拍手道
梁紅玉是女將軍

嘆落花十章

花謝花開總斷腸
拚將紅淚恨難償
無情最是閒蜂蝶
更有何心過短牆

昔日粧臺笑比肩
今朝一別隔人天
從茲脂粉無顏色
俗艷終輸閨苑仙
難填恨海與情天
缺月殘雲總可憐
若有情應寄語
來生再續好姻緣

禪心參透色原空何事朝朝泣落紅錯趁玉鈎斜畔
過又將細語咒東風

海田有日變滄桑天不從人老是鄉千古河山皆有
劫何妨黃土且埋香

落紅亭院雨如煙歌管無聲冷翠鈿燕子歸來須看
待莫教躅落舞筵前

莫辨將離與合歡而今都作一般看花王畢竟真無
賴枉作春風管領官

邯鄲一枕熟黃梁太息人生夢一場青塚累累今古
在有誰為覓返魂香

此首原稿刪

此首見止齋吟
什

斜風如織雨如絲
鷓血殷殷染舊枝
淒絕屋梁寒月落
殘支剩粉滿階時
樽酒風前淚滿襟
十年心事托知音
而今勞燕東西去
我自多情寄短吟

自題小像寄贈閩中泰興上海諸昆季四絕句

時丙申八月
係西法照相

不勞妙筆細商量
小影摹來鏡一方
莫笑黃花如我瘦
主人傲骨歷風霜

湖海勞生厭駢馳
周旋與我樂怡怡
欲知具此清癯相
半為担愁半作詩

頭角曾嶸豈等常天生地載許翱翔他年倘繪凌煙閣
便有鬚眉如戟揚

夢魂往返路途長欲慰相思寄影將惟有肝腸描不
得詩中血却嘔肝腸

秋陰

蛩寒蝶瘦月昏黃黯黯秋空一色長天亦多愁無淚
哭雲因太薄出山忙難將鴈字含糊認猶有殘花迤
邐香等到龍山落帽日得無風雨送重陽

客窓賦閒秋夜有感

等閒歲月去如蓬孤館秋深百感攻移去殘蕉愁聽

此首見止室
吟牋

雨捲將素箔喜臨風空庭無客鳥爭下短榻橫書鐙
自紅萬籟無聲淒月落那堪危坐聽疎鴻

漁家樂八絕句

江頭閒煞似沙鷗雨笠風簑春復秋日日妻兒拚一
醉那知更有別離愁

短歌信口唱無腔紅樹斜陽影半紅篷背兒童拍手
道阿翁釣得鯉雙雙

浮家不羨五湖游一笑移篷月滿舟傳語兒童沽酒
待鱸魚釣已上竿頭

簾纖細雨打篷檐夜夜春潮幾許添想是鯉魚風信

近補將破網又敲鍼

一笑全家寄短篷
醜顏日暮映丹楓
不知歲月深何許
祇曉江頭雨復風

如雪蘆花撲短牕
數聲殘笛起寒江
兒孫吹火烹新鯉
為說今朝酒滿缸

此生願老水雲鄉
釣罷呼盧醉十觴
夜半鐘摧殘酒醒
推窓窺見月如霜

女兒生小不知梭
潮信風波閱歷多
昨日鄰舟阿姥喚
新翻偷得采菱歌

重陽日思家

登高兄弟慶良辰烏石山頭笑語頻為道茱萸休挿

遍吳頭楚尾客思親

時熙淮兩弟在
泰錄在武昌

道山此日滯游人拍手兒童往返頻我愛小西湖風
景夕陽衰柳避鷺塵

新涼小帽換烏紗莫學龍山落孟嘉絕妙日斜行欲
倦望耕亭上一甌茶

重陽自懷

黃花滿鬢笑醞醐不敢題糕妙句無有客索詩來不
速登堂疑是吏催租

登臨桑梓約羣公一片危城倚碧空不看飛鷺看黃

吟首見止室
吟州

鶴仙人樓上正披風

是日偕諸同鄉登黃鶴樓

避災無客不遨游
越嶺登山興欲流
我不因人也逐隊
有如王粲上高樓

客况自述

杜門絕客避囂塵
生怕人言祇自珍
坐久不知身是客
燈殘惟有影依人
焚香事可告天地
嘔血詩難泣鬼神
欲藉秋來如我燕
好將心事報嚴親
生平壯志未嘗灰
作字觀書日幾回
短榻常懸留鼠迹
柴門雖設長青苔
不知世上人升黜
祇有心中愁往來
莫笑孫山淪落客
雄心猶擬望蓬萊

雪衣娘

深閨鎮日自盤桓
養恩同侍女看
莫藉舌鋒尖利
慣一生口孽
懺來難

翩躚白羽隴西南
飲啄瓊漿睡錦龕
欲報主人思重
處金經脫口誦喃喃

朝朝學語傍簾櫳
托足何如燕雀同
回首隴西故國
在主人肯否為開籠

羽衣如玉嘴留紅
半為能言閉錦籠
莫羨啣環有黃
雀花飛也解罵東風

秋糸即事九月念四夜枕上偶得

詩草芟還續離愁拂復來池因濯足到牕為曬書開
黃蝶埋枯草寒風剪綠苔夜來更清絕孤月自徘徊
客牕賦閒憂愁萬斛適家書來云有議婚者因

作此以答

賣書買劍計堪悲匹馬秋風悵所之
擊鼓漁陽來薦地君王且莫問蛾眉

西農哥南旋口占贈別

高堂割別為封侯吳楚兄由滬之秦飄零春復秋不

肯上書徒掉尾可憐無路識荊州由秦至楚

咏史四首

嚴子陵

山水高風仰隱流
富春灘上一羊裘
千秋灘水猶如此
漢室江山尚在不

荊卿

莫將成敗論英雄
環柱猶能攝暴風
空借於期頭一個
藥囊何物竟成功

漂母

嗟來一飯慰途窮
豈料王孫報德隆
不過偶然哀士處
女流未必識英雄

蘇秦

此首見止室吟
作

談兵紙上語原虛愧煞當年十上書我亦黃金剛盡
日不歸大丰鑿前車

閨意八韻

風露夜深時無言掩翠帷殘粧憐翡翠愁黛冷胭脂
鸚鵡開籠怯鴛鴦拂瓦遲怯寒衣換葛留恨藕縈絲
鏡匣慵拈綫粧台少畫眉添香憐婢嬾拜月笑儂癡
殘燭垂紅淚啼痕損舊姿新詩勉裁就惆悵寄伊誰
得諸兄來章狂喜作此

猶似昭容飛紙時樓頭珠翠亂紛披唾壺擊碎心狂
喜錦鯉烹來意欲馳擲地聲同金玉叶望雲眼逐雁

鴻移郵筒也有驚人句不讓謝家一女兒

年年行役涉高岡花萼樓前總斷腸立雪兒時叨設

帳弟曾受聯吟昔日憶同床

壬辰春月倚裝數日
常與佑哥同床聯吟夢

殘怕見燈如豆心靜微聞墨有香畢竟雲山太欺負

相思空有夢相望

廁上偶得

十上蘇秦總斷腸也同天壤一王郎成穿硯獨磨維

翰誤中椎空笑子房莫展一籌嗟我拙豈容再誤為

誰傷可憐尺璧都虛擲彈指光陰去渺茫

家君以梅魂一律見示因勉答三首

瑶臺仙子本無踪
髻雲鬟夢裏鬆
踏雪欲招無處
覓因風不斷最難逢
壽陽五出新粧艷
倩女三生夙
願從半為勾留
簾不捲新愁萬縷
護重重

飄從嶺上傍殘垣
何處名香覓返魂
寫照偏宜水深

淺傳神須待月黃昏
銷時真箇真箇銷魂真箇模糊認見處猶

憐縹緲痕猶我見合讓逋仙有清福
迷離紙帳自溫存

羅浮夢斷月痕孤
縹緲寒香半有無
一縷只宜依睡

鶴千絲直欲伴寒烏
孤山偕隱神仙眷
灞岸尋詩處

士徒想是采蘋怨
紈扇樓東環珮環珮聲過泣珍珠

梅妃寵為玉環所奪自作樓東賦獻唐明皇
上憐之制於楊妃乃密封珍珠一斛以賜之

十月十四夜月明如水浸入蕭瑟夢中偶得四
語醒而默識因就枕上續成一律可作客窓
夜景寫照也

思鄉無計只低頭蛩語燈光夜色悠風定柝聲深巷
悄月斜花影小窓浮朦朧夢斷衾如水滴瀝聲殘漏
數愁一事生卒如願少飄零身世又誰尤

雪夜對花酌酒放歌

北風吹面面欲破寒梅着花三兩個山人荷鋤雪滿
頭獨上孤山抱花卧手持美酒向花賀口念新詩索
花和花不解飲不能詩頽然醉倒我獨悲醒來問花

夜何其月落山頭花不知

醉司命夕客中作

厨娘灶婢笑醞醢雞尾雙雙酒一壺憶得兒時今夕
裏安排筐筥貯飴酥

臘鼓鼕鼕歲欲無關河孤客嘆窮途遙知此夜家園
裡樺燭光雙耀郇厨

丙申除夕在武昌署中

衙鼓喧殘臘鼓催冷絲如水獨徘徊燈花慰客添新
穗詩草勞吾報舊醅且送蹇途隨歲去好將亨境逐
春來東風解凍明朝是消息傳來藉嶺梅

是日得
家書

題目「四律句之
四字當改為三字
以詩心有三律故

賣癡市巷鬧頻頻竹爆堯符滾俗塵我亦有癡偏不
賣天公應不負癡人

濫竽生計自堪悽短榻孤檠伴笑啼莫怪五窮仍戀

戀文章我愧遜昌黎

退一步想則
心氣和平

丁酉新正五日書懷四律句

話別橋梁柳似絲而今又見柳青時

予於甲午
春月離家行年

未壯羞言病度日無聊強愛詩涉世崎嶇捫胆破隨

波下上側身危白雲親舍昂頭在寸草春暉珍重之

明鏡高堂兩鬢絲寸心千里敢辭馳相逢諸弟恨何

晚側出諸弟皆
少予十餘歲能博齊芳豈厭遜四載心驚為客久

五更夢即到家時無才何敢言時命愧不如人且下
帷

蕩漾春風楚水潯向榮草木色深深蒼生霖雨家駒

志

星五阮以試
用知縣出山

松菊田園倦鳥心不許屋孤衾影

愧豈容物腐鼠蟲侵見機須學山梁雉莫被旁人口

鑠金

白社九老圖

如活鬚眉畫裏收羣仙逸像想風流千秋佳話留長
慶野鶴閒雲自結儔

買得名山却冕旒仙家歲月不知秋春風杖履聯吟

二兩首
見止室吟

A large empty table with 10 vertical columns and a thick border. The table is oriented vertically on the page.

--	--	--	--	--	--	--	--	--	--

10000000000

跋

一九三九年二月十九日，先父於上海逝世，不覺已五十五年。

時值日寇侵華，漫天烽火，民不聊生。我們學家盡歷創傷，遷徙流離，寄居於滬。後國共內戰，多數家人催促走避台灣或海外；家產，筆墨文章均無法顧及。

近年來風暴漸趨平息，我們姊妹二人有機會重訪上海。方知先父生前著作部份詩詞在。文化大革命，浩劫中幾被付之一炬。幸經煖瓊大姊之子汪堯昌奮力搶救，得以完好寶藏至今。劫後餘墨，倍感珍貴。爲使先父詩詞作品重新輝映文壇，彪炳後世，便有出版之意。

先父世代書香，爲前清進士，翰林，是位典型的中國文士。他精通文墨，喜愛詩詞。吟詩集會，以文會友，將己之抱負、胸懷、情感、心境，均溶之於詩詞之中。我們能覓及此碩果僅存的詩集，深以爲幸。

台北文海出版社鑑賞並贊同將此詩集附梓，我們衷心致以謝意，並爲能將先父的遺作和收藏與更多的同好共賞而感到欣慰。

文海出版社於一九七四年已曾爲先父所著《蒙事隨筆》印行了第二版。（見註一）。先父在該書中敘述了他在一九一四一年代表中國政府在蒙古恰克圖爲蒙古主權及領土事宜與俄沙皇政權週旋的過程，經多次激爭及艱辛的談判，歷時八個多月之久，舉行了四十八次會議，終於一九一五年六月簽定了《中俄蒙協議》。最主要的内容是外蒙古承認中國的宗主權；中國，俄國承認蒙古自治，爲中國領土

之一部份。中國只承認外蒙古在內政上的自治權。談判中體現了先父濃烈的愛國主義精神和高超的外交談判藝術與才能，爲我後輩所尊敬、懷念。記得先父曾說他認爲他一生對國家主要的貢獻，就是這一場護衛我國在蒙古主權，保持疆域的外交戰。

先父是一位滿腔熱血的愛國志士。晚年辭官退隱於上海。不幸上海淪陷於日軍鐵蹄之下。一九三八年偽政權將他綁架，並對外誣稱其變節就範。先父失卻自由之身且蒙武穆之冤，曾數度欲以死明志，受阻。後竟遭刺。享年六十有三。

希望歷史能撥清這段事實。

在詩集出版過程中，蒙陳友炳（彪如），梁森泰、汪堯昌、譚開尹等諸親相助，並得到文海出版社李汾陽先生大力支持，在此一併致謝。

陳潤瓊 陳培瓊

一九九四年十月二十八日於海外

註一：〈蒙事隨筆〉首版爲一九三四年上海商務印書館印行。